

溫

州

經

籍

志

溫州經籍志卷五

瑞安 孫詒讓 編

經部

春秋類

宋

周氏

溫中

春秋說約

六卷

經叢考一百八十八

佚

經叢考一百八十八

葉適故朝散大夫主管建寧府武夷山沖佑觀周先生墓誌銘先生諱  
清中字仲古及進士第乞監潭州南嶽廟教授全州以心喪去又教授  
廣德軍滿秩有咨其賢者其爲薦改官知台州寧海縣乞監嶽廟去朝  
廷將用之先生辭焉爲主管淮西安撫司機宜文字還授茶陵軍使已

而遂乞主管台州崇道觀成都府玉局觀授淮東安撫司參議官當上  
又乞主管建寧府武夷山冲佑觀淳熙十六年卒年六十八先生温州  
瑞安縣人居三港鎮之西與人盡恭行高而人不忌著文集十卷春秋  
說約六卷 水心文集十三

王氏

十朋

春秋解

世善堂藏書目錄上續文獻通考一百七十三經義考一百八十六

佚

經義考一百八十六

案汪應辰龍圖閣學士王公墓誌銘

梅谿集附錄

云公有春秋講義

指授學者未成書

梅谿後集二十七經筵講義亦有春秋二條

不云有春秋解疑門

人以梅谿講義遺藁補輯爲之其書世善堂書目有鈔本則明  
時尙存今未見傳本

薛氏

季宣

春秋經解

十二卷

直齋書錄解題三經義考一百八十七

佚 經義考一百八十七

指

二卷 直齋書錄解題三。文獻通考一百八十二。玉海四十。經義考一百八十七。並云經解指要共十四卷。陳傅良新權發遺常州薛公行狀作指要一卷誤。

佚

自序春秋者何魯史記之名也史記何以名春秋春秋魯麻之所爲更也何更爾變周也何言乎變周周正建子以建寅爲正歲夏時得天猶用夏也春秋之序魯變之也然則魯變四時之序何史始官也加春于建子而爲王正月建卯之月而爲夏四月魯史之作也故凡春秋之序皆舍周之舊也曷爲舍周之舊僭也僭則春秋何以爲經春秋反正之經也禮易詩書始終乎正春秋紀錄不正所以反之正反正以其所不正則五經之敎無時而或替也春秋常事不書書變常也變常則何始

于隱公疾始變也始變昉于此乎前此矣前此則曷爲始于此託始焉爾柰何魯春秋之始也魯春秋之始何史之始作于諸侯也諸侯孰謂謂隱公也先王之制諸侯無史天子有外史掌四方之志而職于周之太史隱之時也始更魯祿而爲魯史諸侯之有史其周之衰乎費誓秦誓列于周書甘棠韓奕編之南雅烏在諸侯之有史也晉乘始于殤叔

案此指設  
秦紀年

秦史作于文公

案見史記  
秦本紀

王室之微諸侯之力政焉爾然則

春秋何取于魯因也其因何因魯之史記其春秋仲尼之志也春秋何以爲仲尼之志善揚其善惡書其惡而無私焉爾何用見其善善惡惡而無私也曰直筆以書其事因事而致其辭善則善惡則惡不爲褒貶抑揚而亂是非之正也春秋用褒貶爲道其曰不爲褒貶何也褒貶非仲尼之意也三家者託褒貶以爲傳也何託褒貶以爲傳舍褒貶則無以爲傳矣三傳之所爲褒貶何也不知春秋也三傳何以不知春秋春

秋之教治莽而不亂處羣而不黨是是非非而天下之理歸之矣不知  
體要不存教法心移于毀譽而事奪于春秋則是褒貶之說亂是非之  
正也事辭爲教春秋也攷辭而知其事因事以觀其理不能顯白而待  
傳以發曰晦也晦之爲道傳之爲經則事辭之教荒矣孟軻有言曰王  
者之迹熄而詩亡詩亡然後春秋作平王之東也變風害雅五侯擅政  
蠻夷亂夏陪臣柄國仲尼修春秋以明實錄將以反經之正典常禮法  
無所與存焉正亂常而還於舊物者也是故直書以明得失謂之辭正  
辭以別是非謂之事屬辭比事莫善于春秋春秋之道治亂之法也因  
史之僭事亂之本也事易其常莫之或止禮樂崩壞春秋見之且夫事  
有是非道有邪正治亂之所從分也邪正不白是非不辨人行其意其  
誰能有反于是列紀以箸之修辭以述之會盟朝聘之作師役祠命之  
行敗魚遊觀之爲崩薨卒葬之禮苟失其舊無不備舉可行于當世可

示于方來小人憚焉君子達焉則春秋之所用盡在是矣其事則齊桓  
晉文昭其義也其文則史正其辭也昭義正辭則亂臣賊子云誰之不  
懼撥亂世而反之正春秋之謂也今夫淺害深非亂是新變舊傳掩經  
所謂反常也經之云正不累于辭所謂服仁也道反常三傳之失也服  
仁守正復古之道也經解之造用經釋經而歸正於經者也旨要之謂  
辭達而已君子苟春秋之爲好不以弃傳爲過而反求之春秋之義也  
專門墨守則非下走之所敢知

貝齋浪語集三十

直齋書錄解題三春秋經解十二卷指要二卷知常州永嘉薛季宣上  
龍撰指要列譜例于前其序專言諸侯無史天子有外史掌四方之志  
而職于周之太史隱之時始更周歷而爲魯史季宣博學通儒不事科  
舉陳止齋先生師事之季宣死當乾道九年年四十其爲此書實紹興

三十二年蓋甫三

文獻通考一百八十二  
經義考一百八十七作二十歲云

朱子語類

薛常州解春秋不知如何率意如此只是幾日成此文

字如何說諸侯無史內則尙有閩史又如趙盾崔杼事皆史臣所書

困學紀聞六薛士龍春秋旨要序謂先王之制諸侯無史天子有外史掌四方之志而職於周之太史隱之時始更魯麻而爲魯史諸侯之有史其周之衰乎費誓秦誓列於周書甘棠韓奕編之南雅烏在諸侯之有史也晉乘始於殤叔秦史作於文公王室之微諸侯之力政焉爾止齋後傳因之朱文公以爲諸侯若無史外史何所稽攷而爲史古人生子則閩史書之閩尙有史況一國乎愚謂酒誥曰矧太史友內史友則諸侯有史矣

虞集道園學古錄三十四六經之傳注得以脫略凡近直造精微如薛常州春秋等書實傳注之所不可及而足以發明於遺經者也

送李敬心之永嘉學官序



趙汭春秋左氏傳補注一薛氏謂魯厯改冬爲春而陳氏用其說於後傳日以夏時冠周月魯史也是蓋知春秋改周時爲不順而又移其過於魯爾然謂魯有厯實劉歆之誤

案良齋春秋經解指要書錄解題以爲紹興三十二年三十歲時作攷紹興三十二年良齋年二十九歲非三十歲疑解題

原文三十二年當作二十三年三十歲當作二十歲通考及經義考引作

二十歲乃合耳此二書爲良齋弱冠著述浪語集三十五附鄭伯英祭文云五代史

記公謂簡略綴拾舊聞斯於改作公於是時年未弱冠故如魯有志史筆余用駭嘆是良齋弱冠時卽殫心纂述之證

厯改時及諸侯無史諸義攷證未盡精瑯今二書並無傳本惟

止齋春秋後傳趙汭春秋集傳及左傳補注間有援引然寥寥

數語不足推其全書義例也

陳氏傳頁

止齋先生春秋後傳讀書附志上春秋下有左氏二字今所見刊本無蓋涉下章指而誤衍

十二卷直齋書錄解題三讀書附志上宋史藝文志一四庫全書總目二十七  
存通志堂經解刊本

春秋後傳補遺

一卷授經圖春秋四

佚

左氏章指

三十卷直齋書錄解題三宋史藝文志一授經圖春秋四讀書附志上國史經籍志二並作十七卷

佚經義考一百八十七注日未見

春秋後傳左氏章指二書故中書舍人止齋陳公傅良之所箸也春秋之學不明久矣啖趙之後至於攻媿集五十本朝而後有泰山孫先生復尊王之說彌彰攻媿集作題公是劉先生敞權衡意林等書訂證尤詳伊

川程先生頤雖無全書而一序所該聖人之大法備矣自王荆公安石

之說盛行此道幾廢建炎紹興之初高宗皇帝復振斯文胡文定公安

國承伊洛之餘推明斯

通志堂本誤師  
据攷魏集改正

道勸講經筵然後其學復傳學

者以爲標準可謂大全矣東萊呂公祖謙又有集解行於世春秋之義

殆無餘蘊止齋生於東嘉天資絕人誦書屬文一旦迴出諸老先生上

斂然布衣聲名四出六經之說流行萬里之外而其學尤深於春秋鑰

非深於此者嘗涉獵諸公之書非不明白然亦不過隨文辨釋閒有前

後相爲發明者亦不見體統所在鑰自客授之初卽從止齋遊雖不得

執經其門嘗深叩之同在西掖時始以隱公後傳數篇相示因爲道春

秋之所以作左氏之所以有功於經者其說卓然且曰自余之

攷魏集  
無有

得於此而欲著書於諸生中擇其能熟誦三傳者首得蔡君幼學蔡旣

壯

攷魏集  
作仕

又得二人焉曰胡宗曰周勉游宦必以一人自隨遇有所問

其應如響而此書未易成也未幾去國而鑰亦歸雖若相忌於江湖而

朋友

攻媿集作友朋

之來必以此書爲問雖親炙之者跪以請則曰此某身後

之書也既不幸

攻媿集此三字作追

卒於嘉泰三年而此書始出於笥中

攻媿集無此三

字

其婿林子燕最得其傳又四年而後長子師轍與其徒汪龍友以二

書來鎬老矣如獲希世之珍屏去它書窮晝夜讀之始盡得其大意嗚

呼盛哉蓋未有此書也先儒以例言春秋者切切然以爲一言不差有

不同者則曰

攻媿集作則以爲三字

變例竊以爲未安公之書不然深究經旨詳

閱世變蓋有所謂隱威

攻媿集凡桓皆作威避宋欽宗諱也通志堂本桓威錯出今悉从集

莊閔之春秋

有所謂僖文宣成之春秋有所謂襄昭定哀之春秋始焉猶知有天子

之命王室猶甚威重自霸者之令行諸侯不復知有王矣威公之後齊不

競而晉霸文公既亾晉不競而楚霸悼公再霸而又衰楚興而後微吳

出而盟諸夏於越入吳而春秋終矣自杜征南以來謂平王東周之始

王隱公遜國之賢君其說甚詳而公以爲不爲平王亦不爲隱公而爲

威王其說爲有據依又其大節目如諸侯改元前所未有齊魯諸大國  
比數世閒有世而無年至記厲王奔彘始有紀年古者諸侯無私史乘  
與禱杙春秋皆東遷之史也書齊鄭盟于石門以志諸侯之合書盟于  
鹹以志諸侯之散是春秋之終始也隱威莊之際惟鄭多特筆襄昭定  
哀之際惟齊多特筆諸侯專征而後千乘之國有弑其君者矣大夫專  
將而後百乘之家有弑其君者矣宋魯衛陳蔡爲一黨齊鄭爲一黨公  
會齊鄭于中丘而後諸侯之師衡行於天下罪莫甚於鄭莊宋魯齊衛  
次之而父子兄弟之禍亦莫甚於五國是可爲不臣者之戒矣齊威公  
卒鄭遂朝楚夏之變夷鄭爲亂階侵蔡遂伐楚以志齊威之霸侵陳遂  
侵宋以志楚莊之霸足以見夷夏之盛衰矣書公孫茲帥師書公孫敖  
帥師書公子季友卒皆通志堂本誤作習推攻姚集正見三家之所從始首止之盟鄭  
伯逃歸不盟則書以其背夏盟也厲之役鄭伯逃歸不書蓋逃楚也夷

夏之辨嚴矣自隱而下春秋治在諸侯自文而下治在大夫有天下之

辭有一國之辭有一人之辭於干戈無

攻媿集此有所字

不貶於玉帛之使則

從其爵勸懲著矣文十年而狄秦又三十年而狄鄭又五十餘年而狄

晉狄鄭猶可也狄晉甚矣貶不於甚則於事端餘實錄而已矣此皆先

儒所未發至僖之三十二年四卜郊不從乃免牲猶三望極言魯之用

天子禮樂以明堂位之言爲不然惠公始乞郊而不常

通志堂本誤作當據攻媿集正

用僖公始作頌而

通志堂本誤作所據攻媿集正

以郊爲夸引祝鮀之言爲證此尤爲

前所未聞也若左氏或以爲非爲經而作惟公以爲著其不書以見春

秋之所書者皆左氏之力章指一書首尾專發此意昔人以杜征南爲

丘明忠臣然多曲從其說非忠也公之章指謂君子曰者蓋博采善言

禮也者蓋據史舊文

通志堂本誤作間據攻媿集正

非必皆合於春秋或曰後人增益

之或曰後人依倣之或以凡例褻淺而不取或以例非左氏之意蓋愛

而知其惡者適所以爲忠也又言莊公元年至七年及十九年以後訖終篇多無傳疑有佚墜公之求於傳者詳矣嗚呼與止齋游前後三十年不得卒業於其門旣興殄瘁之悲而後得二書其閒尙有欲質疑而不可得此所以撫卷三歎而不能自己也開禧三年冬至日四明樓鑰序

先生爲後傳將脫橐而病期歲而病革學者有欲速得其書俾備書傳寫其已削者或畱其帖于編增入是正者或揭去弗存也勉宦江陵還始得朋友訂正之然已削者可刊帖于編而增入是正者不可復求矣惜哉勉從先生于桂陽于衡于潭日受經焉及後傳且就先生每語友朋將面授勉使盡質所疑而後出已而睽隔函丈不果質今訂證猶先生之志云嘉定元年七月朔日門人周勉謹書

止齋春秋傳十二卷金陵焦太史內閣鈔本也錄之又假唐太常節鈔

本校焉凡增訂其訛脫毋慮數十百處惜也節文僅得其十之七不能盡校其全爲可恨耳萬厯三十六年三月十八日涇常道人識

明趙琦美鈔

秋後傳跋

讀書附志上春秋左氏後傳十二卷春秋左氏章指十七卷右止齋陳傳良所著也四明樓忠簡公鑑序其前清海崔清獻公與之議其後而刻於維揚郡序

直齋書錄解題三止齋春秋後傳十二卷左氏章指三十卷陳傳良撰樓參政鑑大防爲之序大略謂左氏存其所不書以實其所書公羊穀

梁以其所書推見其所不書而左氏實錄矣此章指之所以作也

聚珍版本

無也字今據文獻通考一百八十三

若其它發明多新說序文略見之

錢曾讀書敏求記一陳止齋春秋後傳十二卷此書大旨詳于樓攻媿序中茶陵所刻字多訛舛此則勤德堂刊本也止齋尙有左氏章指一



書侯績求之

四庫全書總目二十七春秋後傳十二卷

兩江總督採進本

宋陳傳良撰傳良

字君舉號止齋溫州瑞安人乾道八年進士官至中書舍人寶謨閣待制諡文節事蹟具宋史本傳是編有其門人周勉跋稱傳良爲此書將脫橐而病學者欲速得其書俾傭書傳寫其已削者或畱其帖於編增入是正者或揭去弗存是今所傳已非傳良完本矣趙汭春秋集傳自序於宋人說春秋者最推傳良稱其以公穀之說參之左氏以其所不書實其所書以其所書推見其所不書得學春秋之要在三傳後卓然名家而惜其誤以左氏所錄爲魯史舊文而不知策書有體夫子所據以加筆削者左氏亦未之見左氏書首所載不書之例皆史法也非筆削之旨公羊穀梁每難疑以不書發義實與左氏異師陳氏合而求之殊失其本故於左氏所錄而經不書者皆以爲夫子所筆削則其不合

於聖人者亦多云云攷左氏爲春秋作傳非爲策書作傳其所云某故不書者不得經意或有之必以爲別發史例似非事實況不修春秋二條公羊傳尙有傳聞不應左氏反不見恐均不足爲傳良病惟以公穀合左氏爲切中其失耳自王弼廢象數而談易者日增自啖助廢三傳而談春秋者日盛故解五經者惟易與春秋二家著錄獨多空言易騁茲亦明效大驗矣傳良於臆說蠶起之日獨能根據舊文研求聖人之微旨樓鑰序稱其於諸生中擇能熟誦三傳者三人曰蔡幼學曰胡宗曰周勉游宦必以一人自隨遇有所問其應如響其攷究可謂至詳又其書雖多出新意而每傳之下必注曰此據某說此據某文其徵引亦爲至博以是立制世之枵腹而談褒貶者庶有豸乎傳良別有左氏章旨三十卷樓鑰所序蓋兼二書言之朱彝尊經義考注曰未見今永樂大典中尙存梗概然已殘闕不能成帙故不復裒錄焉

通志堂經解目錄春秋後傳十二卷宋陳傅良從勤德堂刊本鈔寫者也此書大指詳樓攻媿序止齋尙有左氏章指一書應訪求之

樓鑰寶謨閣待制贈通議大夫陳公神道碑公博極羣書而於春秋左氏尤究極聖人制作之本意左氏翼經之深旨著春秋後傳左氏章指二書

攻媿集九十五

木鍾集七田賦謂計田而出賦如一夫一井之田便使出軍賦不復如邱甸法又甚於邱甲矣陳止齋謂田賦亦家出一兵九春秋之作始於無王終於無伯止齋先生謂天下之無王鄭爲之也天下之無伯齊爲之也以其嘗敗王師故曰無王自鄭始以其嘗伐晉故曰無伯自齊始

困學紀聞一程子易傳晚始授門人止齋春秋後傳亦曰此身後之書五明堂位成王命魯公祀周公以天子之禮樂春秋意林曰魯之有

天子禮樂殆周之末王賜之非成王也魯惠公使宰讓請郊廟之禮於天子天子使史角往惠公止之其後在魯實始爲墨翟之學使成王之世魯已郊矣則惠公奚請惠公之請也殆由平王以下乎惠公事見呂氏春秋仲春紀公是始發此論博而篤矣石林止齋皆因之

趙汭春秋集傳敘後世學者舍三傳則無所師承故主左氏則非公穀主公穀則非左氏二者莫能相一至永嘉陳君舉始用二家之說參之左氏以其所不書實其所書以其所書推見其所不書爲得學春秋之要在三傳卓然名家然其所蔽則遂以左氏所錄爲魯史舊文而不知策書有體夫子所據以加筆削者左氏亦未之見也左氏書首所載不書之例皆史法也非筆削之旨公羊穀梁每難疑以不書發義實與左氏異師陳氏合而求之失其本矣故於左氏所錄而經不書者皆以爲夫子所削則其不合於聖人者亦多矣 春秋左氏傳補注敘三傳而

後說春秋者惟杜元凱陳君舉爲有據依陳氏通二傳於左氏以其所書證其所不書庶幾善求筆削之旨然不知聖人之法與史法不同則猶未免於二傳之蔽也

宋濂春秋屬辭敘左氏之學既盛行杜預氏爲之注其於史例推之頗詳杜氏之後唯陳傅良氏因公穀所舉之書法以攷正左傳筆削大義最爲有徵

趙訪春秋屬辭卷端

何喬新策府十科摘要朱之論春秋而有成書者無如胡文定公其次則永嘉陳傅良也文定之傳精白而博瞻慷慨而精切然所失者信公穀之太過求褒貶之太詳多非本旨陳氏之論世變以爲有隱桓莊閔之春秋有僖文宣成之春秋有襄昭定哀之春秋然其於褒貶以傳之所書而論經之所不書則傳事又豈一一皆實乎

何文定公集一

經義考一百八十七黃淵曰陳止齋欲著後傳於諸生中擇能誦者一

人自隨似不草草然謂書王存周末免又落窠臼 張萱曰止齋取左傳每段以數語括其大指開有評駁

案春秋一經自啖趙以後說者大抵屏棄三傳習爲繚繞苛刻以測經旨宋南渡後胡氏傳盛行三傳之學益微止齋後傳依經求義大旨主於本左氏以徵事參公穀以明例故其論左氏則謂箸其所不書以見春秋之所書皆左氏之力又謂春秋褒貶天下之君大夫託魯以行王法莫備於隱桓莊之世後傳三年邾子及有所謂隱桓莊閔之春秋有所謂僖文宣成之春秋有所謂襄昭定哀之春秋諸義並與董子繁露春秋分十二公爲三等楚莊王篇何氏公羊解詁張三世諸例相近在宋儒說春秋書中爲最有根據至傳中精論如本何邵公說謂惟王者然後改元後傳一隱元年傳據晉少姜卒公如晉晉來辭非伉儷者也謂古

者諸侯不再娶再娶亦妾也

後傳一隱元年天王使宰桓來歸惠公仲子之賵傳

據史記

六國世表敘席秦襄公作西時祠白帝爲僭謂諸侯之有郊禘

爲東遷之僭禮

後傳五莊三十一年四卜郊不從乃免牲猶三望傳

並義精理塙與空談

褒貶者異樓宣獻敘其書以爲深究經旨詳閱世變元趙子常

又以爲在三傳之後卓然名家信不虛也後傳宋以來凡有四

本一維揚本與左傳章指合刻

見讀書附志上

一永嘉本郡守施棡所

刊

見曹叔遠止齋文集跋

一茶陵本一勤德堂本並不知時代

見讀書附志上

四

本今並未見通行者惟通志堂刊本然奪誤甚多不足依據章

指舊與後傳合刊今則世無完本四庫提要謂永樂大典尙

存梗概亦殘闕不能成帙然大典祕書自翰林院臧本外別無

副多則卽此殘闕者亦復不可見惟藉趙氏左傳補注所引稍

窺崖略其說於傳文隱奧多爲疏通證明以求其義而五十凡

之與義理或有違迕者則亦力爲糾正不爲依阿同穴之論雖不必盡塙然於范甯穀梁傳敘所謂棄其所滯擇善而從者殆庶幾焉

又案止齋文集三十八卷張端士第二書云某病軀日衰弱漸漸了得春秋一書及未啟手足之前更加刪潤則自有春秋來未有此書可藉手見古人無怍又第四書云某近復苦泄瀉今幸稍愈以年例論之如此浸久是結裏之證也萬事已置勿論惟春秋後傳垂成尙欠刪潤不免就病中勉強據此是後傳一書止齋固自信爲不敝之作且晚年力疾刪潤尤其畢生精力所萃也

又案元程端學春秋本義卷首春秋傳名氏永嘉陳氏下載有章旨類說後傳三書類說它書別無所見蔡文懿作行狀及曹



敘止齋集紀止齋著述亦無此目不知程氏何所據也今不據  
補錄而附識於此

宋氏晉之春秋十二公論

一卷 攻媿集一百九

佚

陳氏謙春秋解續文獻通考一百七十三

佚

蔡氏幼學春秋解經義考一百八十四

佚經義考一百八十四

案蔡文懿公幼學陳文節公弟子宋史儒林傳四萬厯溫州府  
志理學傳雍正浙江通志名臣傳嘉慶瑞安縣志儒林傳並有  
傳

葉氏通春秋通說

十三卷 萬厯溫州府志十七

佚

案水心葉忠定公適宋史儒林傳四萬厯溫州府志理學傳雍正浙江通志乾隆永嘉縣志名臣傳嘉慶瑞安縣志儒林傳並有傳案水心本貫處州龍泉其祖徙瑞安水心晚年又寓永嘉故各志互收之春秋通說見萬厯溫州府志藝文門宋以來書目皆不著錄其書名卷數並與黃若晦書同疑萬厯志偶誤以黃書屬水心也然今未敢凡刪姑錄其目以備參攷

王氏綽

春秋傳紀

宋元學案五十五雍正浙江通志一百四十一萬厯溫州府志二十七乾隆永嘉縣志六十三並作傳記乾隆溫

州府志二十七作傳說今從續文獻通考一百七十三經義考一百九十

三卷

經義考一百九十

溫州經籍志

卷五

佚 經義考一百九十

萬姓統譜四十四王綽葉水心之畏友趙尙書汝談等在史館奏充編校而不就有春秋傳記經義考一百九十及襟文門人尤端明焞薛秘引溫州府志作紀書蒙守建與枯皆爲刊於學

案松臺王先生綽萬厓溫州府志文學傳雍正浙江通志乾隆

林氏 拱辰 春秋傳

三十卷 宋史藝文志一授經圖春秋四經義考一百八十九

佚 經義考一百八十九

東嘉先哲錄九林拱辰歷知婺州廣東經略安撫有春秋傳刊于婺州

原注郡志

戴氏 厚 春秋經解

三十卷

攻媿集一百七 經義考二百四十三

佚 經義考二百四十三

樓鑰戴俊仲墓誌銘乾道七年余客授東嘉而戴君俊爲錄以文行爲鄉先生箸春秋經解數萬言能爲詞章詩清婉有思致性質粹溫不得而親疎久處庠校與之議事詳審而寡失故尤與之密君是時已嘗薦于鄉五上禮部至淳熙八年始以特奏名試補賀州文學尋授迪功郎婺州金華縣尉光堯慶壽恩循修職郎余去官十五年而後假守而君已得末疾監潭州南嶽廟不可出矣十六年旣以光宗覃恩從循事郎余以八月去郡聞君以十有一月甲申終于家享年六十有八經解三十卷文集號橫蕩類彙五十卷藏于家俊仲諱厚又字長文

攻媿集一百七

案戴縣尉厚文端公溪從父舊府縣志無傳春秋經解宋以來

書目未經著錄至朱氏經義考始據攻媿所作墓誌收入然誤

單作經解列入羣經類中蓋朱氏但見誌末云經解三十卷未

及統核全文故有茲謬今據攻媿集正之

戴氏溪春秋講義萬縣溫州府志十七作春秋說今從宋史藝文志一四庫全書總目二十七

四卷宋史藝文志一四庫全書總目二十七○授經圖春秋四複出戴少望春秋講義六卷誤

存四庫全書本○經義考一百九十注曰佚

經義考一百九十戴氏溪春秋講義宋志四卷王瓚溫州志作三卷

四庫全書總目二十七春秋講義四卷永樂大典本朱戴溪撰溪有續呂氏

家塾讀書記已箸錄開禧中溪爲資善堂說書累轉太子詹事時景獻

太子命類易詩書春秋論語孟子通鑑各爲說以進此卽其春秋說也

書中如以齊襄追紀侯去國爲託復讎以欺諸侯以秦與楚滅庸爲由

巴蜀通道以屢書公如晉至河乃復爲晉人啟季氏出君之漸以定公

戊辰卽位爲季氏有不立定公之心皆具有理解而時當韓侂冑北伐

敗屨和議再成故於內修外攘交鄰經武之道尤惓惓焉至卒葬之類竝闕而不釋攷宋代於喪服之制避忌頗深如何居居字語出檀弓禮部韻略卽不載其他可知溪之不釋此類蓋當時講幄之體也嘉定癸未五月溪長子桷毀木金陵學舍沈光序之寶慶丙戌牛大年復刻於泰州其序稱是書期於啟沃君聽天下學士不可得而聞蓋非經生訓詁家言故流傳未廣陳氏書錄解題不著於錄殆以是歟宋史藝文志作四卷王瓚溫州志作三卷朱彝尊經義考注曰已佚今外閒絕無傳本惟永樂大典所采尙散見各條經文之下今謹爲裒輯校正自僖公十四年秋至三十三年襄公十六年三月至三十二年永樂大典所闕則取黃震日鈔所引補之仍從宋史釐爲四卷而每卷又各分上下其所釋經文多從左氏故其閒從公穀者並附案語於下方焉

續春秋口義

咸豐永嘉縣志二十

佚

直齋書錄解題三春秋口義五卷胡翼之撰至宣十二年而止戴岷隱在湖學嘗續之不傳

盛如梓庶齋老學叢談上春王正月胡文定公謂以夏時冠月以周正紀事晦庵以爲不如此然宗之者眾或謂皆寅正紀事近世戴岷隱諸公皆如此說

曹氏叔遠春秋書法起例姜準岐海環譚集五

佚

岐海環譚集五曹叔遠紹定四年除權禮部侍郎明年七月陞正禮侍仍兼侍讀著春秋書法起例一編上進

戴氏補春秋說續文獻通考一百七十三

佚

案浣川戴常博相文端公溪從孫雍正浙江通志乾隆溫州府志乾隆永嘉縣志儒林傳並有傳

黃氏

仲炎

春秋通說

十三卷

直齋書錄解題三文獻通考一百八十宋史藝文志一四庫全書總目二十七

存

通志堂經解刊本

繳進春秋通說表臣仲炎言伏以六經統天地莫非用世之規萬物聚春秋尤切治人之道洪惟烈祖崇尚斯文仁宗命昌朝侍講於邇英曰監戒而不諱高廟置安國進解於座右謂喜學以無忘至若咨輔弼以攷三傳之異同又如因荅問而審一言之造化可見先朝極討論之意所惜儒臣寡疏暢之功厥理未彰茲學幾廢允賴厲精之上哲丕承宏遠之前慕臣仲炎惶恐惶恐頓首頓首臣竊以孔聖之修麟經猶禹功之抑洪水昏墊不塞曷臻九敘之歌亂賊匪除莫救三綱之壞卽當時



之事實爲異代之鑒觀昭示燎原貴防曲突顧瞻折軸宜重後轅雖仍魯史之文實正周王之位用全教戒體極謹嚴自專門襍襲貶以論經使後世眩是非而難辨迄於科舉時文之弊尤爲戲侮聖人之言因欲獻諛於今遂亦虛美於古管重耳坐邀萬乘或善其明君臣之大經周世子外附諸侯或嘉其存王室之正統南宮較藝首選在茲下國從風流弊甚矣獎崇功利誇譽詐權顧此時師友之染濡莫能拯善古他日臣工之獻簪必至文姦臣肆舉業而罔功抱遺經而永慨潛心十稔課蒙一編遠稽孟子之書近酌朱熹之論務陳理要痛翦蕪繁鳴世儒寡和之音圖眾傳多岐之礙強名通說頗異舊聞懼徵命之填溝致此書之覆瓿僭厯開蕪期廣緝熙茲恭遇皇帝陛下躬攬大權作新庶政聞一善而用決明四目以天臨賢路亨通修今日雲龍之會經帷啟沃變昔時仗馬之瘖日月就將海澤浸潤瞻沐潤編年之旨尙闕申明念

草茅攷古之勤倘垂乙覽察二霸之駁而宅心至正居一王之尊而立  
志自強時喪敗起於佳兵則安靖以輯福推災異由於失德則兢省以  
導和刻桷築臺深虞侈欲取田納鼎永戢貪風中國盛則何懼荆蠻戎  
狄之馮陵家道正則必無仲子文姜之僭濫以至世變推移之故物情  
紛錯之絲郊雩嘗禘之經朝聘會盟之節皆可因文以攷引類而知息  
邪說放淫辭庶見仲尼之志求多聞克永世用增列聖之光臣無任瞻  
天望聖激切屏營之至臣謹繕寫前件春秋通說成若干冊囊封隨表  
繳進以聞臣仲炎惶恐惶恐頓首頓首謹言

經筵講讀奏舉狀朝奉大夫權刊部尙書兼權吏部尙書兼給事中兼  
修玉牒官兼侍讀臣李鳴復等有臣鳴復等聞蟋蟀俟秋吟蜉蝣出以  
陰士有懷珍抱美而老於巖穴之下者固不能無待文王之興也仰惟  
陛下不居之聖問學日新經幄就將靡閒寒暑臣等猥以春秋舊業叨

塵誦說之員深懼寡議闕聞不究終始無以昭明懲勸上裨聖聰伏見  
溫州布衣黃仲炎折衷是非事爲之說證以後代鑒戒昭然言古驗今  
切於治道如謂經有教戒不爲褒貶足杜擬僭允爲潛心吉州布衣龍  
緣會粹經傳科別其條治亂興衰本末該貫評以己見多所發揮如謂  
魯僭紀元獨承正朔其於名分所補良多二臣於經可謂勤矣而其他  
著述亦多可稱鬱弗獲伸俱老章布臣等執經入侍心有愧焉竊知二  
臣已嘗繕寫其書裝潢申進欲望聖慈旣垂乙夜之覽或降付後省更  
加閱視如有可采甄以寵光庶幾科舉之外士之窮經篤古者不至於  
遐遺其於作人之造風厲多矣謹錄奏聞伏候勅旨端平三年七月日  
朝請大夫權尙書禮部侍郎兼侍講臣游倡朝奉大夫權刑部尙書兼  
權吏部尙書兼給事中兼玉牒官兼侍讀臣李鳴復  
春秋者聖人教戒天下之書非褒貶之書也何謂教所書之法是也何

謂戒所書之事是也法聖人所定也故謂之教事衰亂之迹也爲戒而已矣彼三傳者不知其紀事皆以爲戒也而曰有褒貶焉凡春秋書人書名或去氏或去族者貶惡也其書爵書字或稱族或稱氏者褒善也甚者如日月地名之或書或不書則皆指曰是褒貶所繫也質諸此而彼礙證諸前而後違或事同而名僭異書或罪大而族氏不削於是褒貶之例窮矣例窮而無以通之則曲爲之解焉專門師授襲陋仍訛由漢以來見謂明經者不勝衆多然大抵爭辨於褒貶之異究詰於類例之疑滓重煙深莫之澄埽而春秋之大義隱矣自大義既隱而或者厭焉不知歸咎於傳業之失而曰聖人固爾也故劉知幾有虛美隱惡之謗王安石有斷爛朝報之毀遂使聖人修經之志更千數百載而弗獲伸於世豈不悲哉故曰春秋者聖人教戒天下之書非褒貶之書也昔之善論春秋者惟孟軻氏莊周氏爲近之軻之說曰孔子作春秋而亂

臣賊子懼是以戒言也周之說曰春秋以道名分是以教言也斯二者庶幾孔子之志也夫人之所以異於禽獸者以其有道也如是而君臣如是而父子如是而長幼男女親疎內外之差等不齊也敘此者爲禮和棄本和作順此者爲樂理此者爲政防此者爲刑堯舜三王之治皆是物

也時乎衰周王政不行物情放肆於是紊其敘乖其順廢其理決其防而天下蕩然矣孔子有憂之而無位以行其志不得已而卽吾父母國之史以明之陳履轍所以懼後車也過人變所以返天常也霸圖之盛王迹之熄也盟會之繁忠信之薄也雖有彼善於此者卒非治世之事也聖人何憂焉至於夷狄之陵中國臣子之奸君父鬪干戈以濟貪忿之志悖理道以傷天地之和者亦何待貶而後見其惡也若夫筆削有法而訓教存焉崇王而黜霸尊君而抑臣貴華而賤夷辨禮之非防亂之始畏天戒重民生爲萬世立治準焉嗚呼使後之爲君父爲臣子爲

夫婦爲兄弟爲黨友爲中國御夷狄者由其法戒其事則彝倫正而禍亂息矣余由童至壯研思是經嘗眩於舊說如手斲絲目暗室難於解辨蓋久而後能破之荀稽記載互參始末爲書十有三卷名曰春秋通說通說者去褒貶之茅塞而通義破戒之正途也夫春秋固有以隻字垂法者矣如加王於正削吳楚僭號而從其本爵之類是也而非字字有義也亦固有所謂例者矣如書其君歿曰薨外諸侯曰卒內大夫書卒外大夫不書卒之類是也此皆通例也先儒謂左氏非左丘明丘明乃孔子前輩故孔子曰左丘明恥之丘亦恥之先丘明而後己尊之也楚左史倚相能讀三墳五典八索九丘蓋今左氏傳卽楚左史也古者史世其官則傳是書者倚相之後也故左傳載楚事比它國爲特詳是得其實公穀亦莫明其所自來或云子夏門人要皆非親受經於聖人者故於說經首失其義而其閒亦或有得者穀梁氏爾若夫具載事實

則左氏尙可攷故當據事以觀經事或抵牾難於盡從則以經爲斷上以仲仲尼之志雖以立異取譏於世而不辭也紹定三年五月朔黃仲炎序

直齋書錄解題三春秋通說十三卷永嘉黃仲炎若晦撰端平中嘗進之於朝

四庫全書總目二十七春秋通說十三卷

兩江總督採進本

宋黃仲炎撰仲炎

字若晦永嘉人其進是書表稱肄舉業而罔功李鳴復奏舉狀稱科舉之外窮經篤古蓋老而不第之士也書成於紹定三年其奏進則在端平三年自敘謂春秋爲聖人敎戒天下之書非褒貶之書所書之法爲敎所書之事爲戒自三傳以褒貶立意專門師授仍陋襲譌由漢以後類例益岐大義隱矣故其大旨謂直書事蹟義理自明於古來經師相傳王不稱天桓不稱王之類一切闕之案朱子語錄云聖人據實而書

是非得失有言外之意必於一字一辭開求褒貶所在竊恐未然仲炎  
表中所云酌朱熹之論者蓋本於是何夢申作呂大圭春秋或問敘謂  
傳春秋者幾百家大抵以褒貶賞罰爲主惟或問本朱子而盡斥之不  
知仲炎已先發之矣中如於南季來聘據三傳戴記謂天子無聘諸侯  
之禮周禮時聘之說不足信於滕薛來朝謂諸侯無私相朝之禮三傳  
俱謬則過於疑古以盟首止爲王世子立黨制父則過於深文以子同  
生爲傳語誤入經文以葬蔡桓侯爲公字之譌以同圍齊爲圍字重寫  
之誤疑及正經亦未免臆爲推測然如謂季友爲巨姦竊交宮闈則成  
風私事傳有明文辭嚴義正足以爲千古之大防矣其論胡安國之書  
曰孔子雖因顏淵之間有取於夏時不應修春秋而遽有所改定也胡  
安國氏謂春秋以夏正冠月而朱熹氏非之當矣孔子之於春秋述舊  
禮者也如惡諸侯之強而存天子疾大夫之偪而存諸侯憤吳楚之橫



而尊中國此皆臣子所得爲者若夫更革當代之王制竊用天子之賞罰決非孔子意也夫孔子修春秋方將以律當時之僭其可自爲僭哉其立義明白正大深得聖人之意蓋迴非安國所及也

通志堂經解目錄春秋通說十三卷宋溫州布衣黃仲炎若晦紹定三年五月自敘何焯曰東海先有鈔本從黃俞邵處來仍僞書也後汲古得李中麓所藏影鈔宋本用以付刊

案黃若晦仲炎舊府縣志無攷據李鳴復奏狀稱爲溫州布衣而狀末有甄以寵光之語則若晦進書時鳴復又爲乞恩澤萬

厓府志選舉門載宋進書補官有永嘉黃叔炎叔炎卽仲炎之

誤

蘇文門春秋通說下  
亦誤題黃叔炎撰

然所補何官則終無可攷也通說大旨

宗朱子春秋無褒貶之說故其書於治亂得失推論明切又多引後世史事參互證驗以闡教戒之旨雖不必果得聖人筆削

之意然以觀孫復諸人以春秋爲有貶無褒者其厚薄固有閒矣至如說考仲子之宮則辨晉臧熹議宣太后宜準春秋考宮之義別建寢廟爲知庶母不得祔廟而不知考宮之非禮

通說一

說葬我小君敬嬴雨不克葬則謂喪事有進而無退旣啟殯不爲雨止喪禮有所謂潦車簠簋者蓋備雨有具也今遇雨止無備可知春秋書雨不克葬惡薄其親也

通說八

其辨證亦殊精博

餘若趙匡孫覺胡安國諸人舛鑿之說亦多駁正固異於楊腹游談者惟閒喜爲新說如於夫人姜氏入大夫宗婦覲用幣謂大夫宗婦乃大夫與宗婦不用公半大夫妻之說

通說二

於新宮

災謂別爲新宮如晉之築廐祁不用三傳宣公新主入廟故曰新宮之說并席檀弓以新宮爲先君之宮爲漢儒沿三傳之訛

通說九

於從祀先公謂從猶承也周廟先公后稷魯太祖周公今

推而上之承祀后稷同於周廟而不從三傳順祀閔僖之說通  
二是則故爲立異違先儒說經家法矣

又案通志堂經解目錄引何焯語謂徐氏先得黃虞稷家僞本  
今未見其書未知與經解本異同若何天乙閣書目一之二載  
春秋通說一冊無卷數朱絲欄鈔本宋黃仲炎撰黃氏自敘稱  
十三卷范氏臧本不分卷或卽義門所謂僞書乎又續通考一  
百七十三別載左傳約說百篇黃仲炎箸它目並無箸錄王考  
舛誤甚多疑不足據今不據補入而附識于此以備參攷

元

李氏 孝光 春秋述始 道光樂清縣志十一

佚

陳德永李五峰行狀公通五經尤邃於春秋生平著作有春秋述始顯

微闢幽足發前賢之祕侍御史郭幹卿嘗稱之於朝而天下士大夫始

知有公

道光樂清縣志十一

案五峰李祕丞孝光元史儒學傳二萬厯溫州府志文學傳雍

正浙江通志道光樂清縣志文苑傳並有傳

陳氏

至

春秋傳

注

萬厯溫州府志十七○乾隆溫州府志二十七作春秋傳

佚

明

蔡氏

芳

春秋訓義

十一卷

明史藝文志一國史經籍志二千頃堂書目二經義考二百

未見

經義考二百

千頃堂書目二蔡芳春秋訓義十一卷字茂之浙江平陽人弘治戊午  
舉人福建鹽運司副使折衷諸傳而爲是書

周氏綱左氏觸璜乾隆溫州府志二十七

佚

項氏喬左傳拔尤

三卷歐東私錄二

未見

自序左氏浮誇唐韓子有是論矣近世學文者又類宗之然或以艱深  
文淺近非獨使人不能句雖俾其人自讀之亦莫釋其意脈之所在自  
以左氏名家也不知左氏之文雖或一字一句一句一意然上下接續  
脈絡貫通譬之高山大川然人徒見其閒怪石奇巖絕潢斷港者若散  
漫不可紀極而其一碧萬頃壁立萬仞之勢所向自如也閒如大兵壓  
境聽一言以解甲義有所激雖巧人亦知勇于取焉此其重禮崇信猶  
有先王之遺風矣嗚呼是傳其可少耶某幼癖好之拔其可法之尤者

手膾三卷爲敘事爲辭命爲議論竊常展玩未嘗敢以示人守廬之五月會九庠英俊而稟食之時出以正其文藝諸生曰是不可私也遂傳之梓庶使廬陽文體藉是少變焉耳然善讀者得之章句之外其所以謀身謀國者將無不在似未可輒以浮誇病之也

歐東私錄二

鄭氏

楷

春秋寫意

萬厯溫州府志十七

佚

案雙溪鄭教諭楷道光樂清縣志循吏傳有傳

應氏

德成

春秋源流紀略

一卷

乾隆溫州府志二十七

佚

葉氏

耿

春秋要略

乾隆溫州府志二十七

佚

楊氏

毓奇

春秋傳衡

雍正浙江通志二百四十一

未見

自序一衡說衡者讀四傳而衡之也四傳尙矣易衡雖然傳且四易弗  
衡譬一物也孰輕者孰重者匪衡也輕重俱一春秋也此傳之彼傳之  
匪衡也彼此眩雖欲弗衡烏得弗衡諸故夫四傳者人同而衡者予獨  
予之爲是衡也不知吾言之是亦不知吾言之非第曰衡四傳云爾

一名說杜預序曰史之所記必表年以首事年有四時故錯舉以爲所  
記之名此說也是名之無所取義者也抑不聞春生秋肅者天之道春  
賞秋刑者王之法春秋天子之事刑賞之權衡也是故舊史記之祇爲  
紀事之書孔子脩之卽闢勸懲之大天道王法於是乎在矣 一諱說  
傳例有三諱爲尊者諱爲親者諱爲賢者諱夫諱非直也經以直教天  
下後世者奚諱雖然諱也諱者何尊親賢三者天下之大綱也三者得

天下治三者失天下亂臣弑君者始於不知有尊子弑父者始於不知有親不肖之乘賢始於不知其爲賢春秋爲天下不知有三者而作卽烏得不爲三者而諱是故爲尊者諱爲親者諱爲賢者諱春秋之始也

人由春秋之諱尊知有君諱親知有父諱賢知有賢是春秋之成也  
朱鴻瞻甌江葉鄒合傳順治丙戌秋甌始歸附瑞士有諸生終身爲庶人者楊毓奇杜門不出箸春秋傳衡康熙閒年七十餘卒

竹園類輯九

孫氏

林春秋繁露廣義

雍正浙江通志二百四十一

佚

自序余半生日營入股丘索流略茫未有涉也然私竊嚮往亦好窺一斑至晚始讀董子繁露諸篇大約發明春秋而作也夫左氏傳春秋實爲麟經紀事非詮疏也公穀擬議稍近解釋而多鑿康侯氏似暢厥旨終落訓詁治麟經家率南指北面之然揚波助瀾亦未能取宣尼筆削



徵言神會之意表也仲舒氏比伍參例援事指義互爲發明勸所未備  
可謂繼左功臣且取詩易禮作契參同非獨以春秋解春秋者故其文  
閎深奧渺自成一家言洵漢代大儒唐宋諸人莫之能武也余讀其書  
頓覺有豁開抽其義而推廣之亦以沿流遡源強作解事漫向津頭一  
間爾作繁露廣義以質慧心之有志當世者雖然不以春秋解春秋故  
繁露貫而傳以繁露解繁露獨爲廣繁露也乎予持狹而尙曰廣也人  
將嗤我也夫

周天錫慎江文徵三十八

乾隆永嘉縣志二十崇禎府學歲貢孫林負文望三中副榜由寧都教  
諭陞隆安令通商惠民修學葺志士民德之擢雲州知州未任卒著有  
繁露廣義安攘三策越吟草

東甌詩存二十八孫林字子幹永嘉人崇禎歲貢官雲州牧著有越吟  
草

國朝

葉氏

嘉掄

讀左遺言

寶香山館集十七

未見

孝經類

朱

胡氏

子實

孝經注

二卷

世善堂藏書目錄上經叢考二百二十六

佚

經叢考二百二十六注曰未見

案胡監簿子實萬厯溫州府志理學傳雍正浙江通志乾隆永

嘉縣志儒林傳並有傳

胡氏

一桂

孝經傳贊

續文獻通考一百七十五經叢考二百二十六

佚

經叢考二百二十六注曰未見

溫州經籍志

卷五

元

李氏 孝光 孝經義疏

一卷 世善堂藏書目錄上經義考二百二十七

佚

畫孝經圖

一卷 世善堂藏書目錄上經義考二百二十七

佚 經義考二百二十七注曰未見

千頃堂書目三李孝光孝經圖說至正七年進呈

王禕等元史一百九十李孝光至正七年詔徵隱士以祕書監著作郎  
召與完者圖執禮哈琅董立同應詔赴京師見帝于宣文閣進孝經圖  
說帝大悅賜上尊

經義考二百二十七陸元輔曰李季和隱居雁宕山至正七年應詔進

孝經圖說

案宋濂鑿坡別集五題李伯時畫孝經圖後右李公麟所畫孝經一卷至正中著作郎永嘉李孝光進入祕府是五峰所進之圖卽伯時畫本也世善堂書目乃別載五峰畫孝經圖者蓋義疏本亦錄圖附於後且五峰或有所改定亦未可知今故仍著其目至元史所載孝經圖說乃史臣約舉之詞五峰原目自名義疏黃氏千頃堂書目倪氏補遼金元藝文志錢氏元史藝文志及通志舊府縣志並錄圖說而不錄義疏殊誤

說與義疏並列尤謬

道光樂清縣志藝文門圖

國朝

史氏尊朱

孝經刊誤淺解

一卷

道光樂清縣志十一

存 樂清鄭氏刊本

自序天地生物之心元也人得之以爲心而有仁父母愛子之心仁也子得之以爲心而知孝天親仁孝一也盡所以爲子而親悅之則盡所以爲人而天祐之若子而不予則人爲匪人失其天性逆天之命矣罪將安禱乎此禍福之攸分而治亂之自始也治至三帝三王尙矣欽明峻德先親九族重華升聞聞以烝乂禹之幹蠱弼成五服湯則聖敬日躋肇修人紀文王之爲世子朝於王季日三武王周公所稱達孝者也是其德之本於孝者一也孝之爲道於身焉求之其不敢毀傷也則不登高不臨深爲能戒逸欲儆風懲以強固其身矣其立身行道也一舉足不敢忘父母則所以作肅者本乎是一出言不敢忘父母則所以作父者本乎是視於無形聽於無聲永言孝思則所以作哲作謀作聖者本乎是充之而事親而克諧卽事天而休徵也人本乎天子本乎親自

天子以至庶人同以吾親爲身之本同以孝爲身之德之本其知愛知敬乃不慮而知之良知不學而能之良能出於性而不容已者經曰愛親者不敢惡於人敬親者不敢慢於人人必愛親而後能愛人亦至於能愛人乃盡其所以爲敬親天子以愛敬之德教於上天下以愛敬之德順於下合四海皆歸於愛敬而無敢惡慢則肅肅雍雍不爭無怨中和建而禮樂興禮樂興而教化行父父子子君君臣臣大倫以正庶務以理而清寧咸若災害不生禍亂不作司寇之刑可措司馬之兵可戢何唐虞三代之治不再見哉甚矣孝之大也正閨門順四海享祖考格天人道無踰於此者自孝道之衰父子君臣大倫攸斁人事失其經天道亂其序於是孔子懼而作春秋以救其變箸孝經以道其常故曰志在春秋行在孝經二書原竝出者也古用竹書易於錯簡又經秦火孝經所傳多

誤矣立章名訓注亦謬朱子謂其附會蕪襍而失次文義有不通貫因  
爲刪削附會合經分傳而序次之覺義理之精深規模之宏遠一同於  
大學是皆爲孔子之言皆傳於曾子者又皆以朱子之更定而得其正  
也是宜以朱子所定頒之學宮合於大學以命題取士庶是經大行於  
世用致和平之治於無疆也尊朱不揣固陋爲之淺解非能於精意發  
其萬一亦曰芻蕘之言聊備采擇焉云爾

道光樂清縣志十一

賈聲槐序丁亥秋樂清鄭生耀廷以其鄉先輩史格菴先生讀書淺解  
請爲序先生深於理學羽翼紫陽卓然可傳於後世原版殘於回祿鄭  
生尋舊藏本重鐫之其志可嘉今春來謁曰先生孝經刊誤淺解可並  
付梓余讀其自序於天人性命之原仁孝合一之理發揮透徹注解清  
晰周備是誠有裨於名教而爲聖賢之功臣矣昔夫子以大學授曾子  
曾子闢發爲傳秦漢以後書多錯簡朱子更定分爲十傳條目井井與

博文約禮大旨相合後來有疑而議之者過矣孝經亦夫子所授於曾子者也始於事親中於事君終於立身實包乎誠正修齊治平之旨而力行必先致知道本一貫也是書流傳久多錯繆朱子刊誤亦分爲傳十章釋明經義後二章發經外之義文從理順質之先聖而不易格菴先生解之而曰淺夫庸言庸行通乎鬼神察乎天地孝經與大學相表裏四書五經之理盡包孕其中淺解也而精深廣大孰能外此乎孝弟者爲仁之本仁性也天也亦卽中也誠也太極圖說西銘理一分殊先生爲能觀其通矣道光戊子孟夏序

道光樂清縣志十一

五經總義類

宋

薛氏

徵言

經書訓義

乾隆溫州府志二十七〇乾隆永嘉縣志二十三作訓解續文獻通考一百七十五題薛季宣並誤

佚



案薛舍人徽言宋史三百七十六萬厯溫州府志忠節傳雍正  
浙江通志乾隆永嘉縣志名臣傳並有傳

葉氏 仲堪 六經圖

七卷

直齋書錄解題三文獻通考一百八十五宋史藝文志一國史  
經籍志二經義考二百四十三  
經義考二百四十三注曰未見

佚

直齋書錄解題三六經圖七卷東嘉葉仲堪思文重編案館閣書目有  
六卷昌州布衣楊甲鼎卿所撰撫州教授毛邦翰復增補之易七十今  
百三十書五十五今六十三詩四十七今同周禮六十五今六十一禮  
記四十三今六十二春秋二十九今七十二然則仲堪蓋又以舊本增  
損改定者耶

案葉思文舊府縣志人物門皆不載攷王忠文梅溪後集十八  
興化簿葉思文吾鄉老先生也比沿檄見訪既別寄詩二十八

韻次韻以酬詩有云吾鄉老先生吏事以儒飾新篇似庭燎遠  
寄箴我癖把酒欲細論何時再沿檄陽春七十首老豔萬丈射  
招邀屈原魂收召子厚魄驚開老病眼喜見墨妙蹟願公倡斯  
文用夏變蠻貊又集二十九何提刑墓誌銘亦云興化簿葉仲  
堪以行狀來然則思文固以宿儒而屈于末吏者也其詩文今  
無存者吾鄉人幾不能舉其名矣

鄭氏

伯熊

六經口義拾遺

經叢考二百四十三

佚

經叢考二百四十三

東嘉先哲錄六鄭伯熊六經口義拾遺語若干卷皆究極本原達於

事物

原注見  
郡志

曹氏

叔遠

諸經要解

岐海璣譚集五

佚

岐海璣譚集五曹叔遠有蘧徑集若干卷諸經要解家塾手編藏于家

戴氏相五經說經叢考二百四十四

佚經叢考二百四十四

朱元學案五十五常博戴先生相學于水心得其旨要故明經之外亦高于文嘗云詩壞于衛宏之序春秋誤于公羊之傳易淆于三聖繫爻彖象之互入書失於孔壁序傳簡編之相亂周禮特周公大約之書當時有未必盡行者所著有五經說諸子辯論東都要略戴博士集

案戴浣川所著五經說今無傳本攷浣川集十跋朱元剛詩集云若夫君所纂余周禮說及君所自箸襍文竢它日訂正而書之未晚所稱周禮說當卽在五經說內而元剛別爲纂錄者也元剛名與籍貫並無可攷浣川集一贈朱子文並寄朱元剛二絕注朱法曹余同年進士也子元剛從余游近見其詞藻進長云云是元剛爲文子門人故爲纂其經說

葉氏 東道 經筵講義 宋史儒林傳四

佚

姜氏 得平 詩書遺意

一卷

宋史藝文志二

佚 經義考八十三

案姜得平舊府縣志無攷直齋書錄解題三載論語本旨一卷

建昌軍教授永嘉姜得平撰是得平貫永嘉官至建昌軍教授

也 萬縣溫州府志十宋上舍釋褐有 楊士奇文淵閣書目三有

姜德 德得聲 平詩書遺意一部一冊闕則此書明時尙有傳本

今則不復可得矣經義考羣經類不載此書而尙書類 八十卷別

載姜德 得誤德與文 平尙書遺意一卷蓋所據書目誤作尙書

朱氏遂沿其謬此書宋志列經解類必非專釋尙書也

胡氏子實

講義

萬厯溫州府志十七○乾隆永嘉縣志二十三作口義講

佚

王氏

奕

六經說

經義考二百四十四

佚

經義考二百四十四

元

陳氏

剛

五經問難

續文獻通考一百七十五經義考二百四十六

佚

經義考二百四十六

趙氏

良震

易書二經通旨

不繫舟漁集十

佚

經義考四十七

陳高序予友趙君伯起著易書二經通旨取經文意義之近似者比類而條析之或會而同或別而異大而爲天文地理細而爲制度名物微而爲性命道德陰陽鬼神以至於先儒之訓詁凡有所疑靡不辨決鳴

呼亦勤矣朝廷設科以明經取士而試以經義經義之文易用程氏朱氏書用蔡氏之說二經及傳疏數十萬言學者諷誦尋繹或自少至老不能究一經及就試場屋主司發難則握筆瞪視不敢措辭者往往有焉趙君獨能斂精探賸貫穿融會解其有繁剖其盤錯使習是經者得而觀之如獲指南之車不待問途而越裳可至其於答主司之間也何有然則是編之有益於學者固不少矣雖然士之明經豈專爲科舉計哉聖人之道非經不傳學者讀聖人之經則當求聖人之道是故明吉凶消長之理知進退存亡之機而動不違乎時則淡于易者也觀二帝三王之心攷唐虞三代之治而以之修己治人則淡于書者也若夫迷溺於文字之支離而徒以是爲進取之媒者亦豈趙君之所望於後學也哉

不繫舟漁集十

蘇伯衡東谷先生趙君墓銘君諱良震字伯起別號東谷於宋宗室郟

勤孝王宗惠爲八世孫其家平陽則自六世祖武翼大夫主管台州明道觀士縉始銘曰猗君好學如好色讀書不復就枕席大義毫分仍縷析尙慮至理未融液操觚染翰事著述經史子籍名法律按抉隱蔽訂訛失書成尊閣富簡冊大明皇帝膺寶祿旁求賢俊如不及觀風使者暨邦伯推挽愈勤解愈力癸亥重九後九日奄兮忽兮簣遽易壽登七袞又餘七老成云云執矜式

蘇平仲集十四

案東谷趙先生良震府縣志無傳據蘇平仲所作墓銘知爲元代遺老入明隱居不仕篤學著書以終者也易書通旨據陳子上敘其書蓋研貫程子易傳朱子易本義蔡氏書集傳通其旨要以便科舉之士者明以來書目及通志府縣志並未著錄則其佚久矣經叢考四十七易類載易經通旨而書類無書經通旨殊爲疏漏今據不繫舟漁集攷正并著於此

明

王氏

齊

詩書題斷

萬厯溫州府志十七

佚

案王進士齋

蕭通志府縣志並誤淵今據瑞安王氏錄本齋自撰煥志正

儒志先生九世孫

萬厯溫州府志理學傳雍正浙江通志乾隆永嘉縣志儒林傳

並有傳詩書題斷見萬厯府志藝文門而雍正通志經籍門別

出四書斷外書引嘉靖通志王淵撰蓋卽此書箸錄者誤以詩

書爲四書耳今不據補錄

方氏

以正

五經解

乾隆溫州府志二十七

佚

案方同知以正乾隆溫州府志循吏傳乾隆永嘉縣志仕績傳

並有傳



方氏

經學

五經辨疑

乾隆溫州府志二十七

佚

戴氏

慈

諸經補遺

萬厯溫州府志十七○乾隆永嘉縣志二十三作補義

佚

國朝

徐氏

炳文

翔雲經義

卷

存

樂清徐氏家藏鈔本

唐傳鉉序學者窮經所以明義也豈徒矜博洽工文詞已哉自漢以來聖人治躬治世之法蕩然無復存者而其義獨備於經義苟明則聖人之心得聖人之心得以之治躬而品立以之治世而風淳是惟不安凡近不苟速成而篤實研求者可與語其事亦惟生平從事而且暮與其

者可與通其人余沈潛於經書蓋四十餘年矣嘗有五經注疏時藝頗多發明敢云其義蘊悉得乎恭逢 聖明歲四十薦於鄉歲五十捷於春闈特奉簡命來涖樂邑思以端士習厚民風仰補 聖化於萬一樂邑僻處山海其於聖經之義果人人率由耶爰立義學思得篤實之士明經義以風多士而樂之人曾以翔雲徐君請則君爲甌江知名士也追余與之周旋益信其爲篤實之士而不負斯席也君爲人渾渾樸樸不務紛華不露圭角文章亦如之雖屢困場屋絕不以窮通得喪變其志益肆力於古而詩書易孝經著有經義大抵尊經宗注剖析明白聖經之義直抉其奧復自出機杼運以古人之筆非至篤實何以見義之精如斯與余役於簿書三四年矣向之沈潛於心以見諸事者閱君之書猶能彷彿一二夫不安凡近者其成也不凡不苟速成者其成也不朽海內景從可捷如響樂之人士誠於是編而精研之則人人窮

經人人明經之義觀摩漸染靡不篤行言乎士品日益端也言乎風俗  
日益淳也寧僅博洽文詞之學遠異昔時也哉 聖天子治世之雅

化其精義不外是矣得人而與之爲宰者所宜有事也是爲序 道光樂

清縣志十一

施元亨跋窮經貴實踐口周孔而行蹠躋窮經亦奚爲哉先生研究六  
經窮年兀兀毫不倦所著經義入堂奧而闡微渺爲先儒羽翼爲後  
學津梁生平言動一以經訓爲師雖不遇于是而躬行不怠以此淑身  
卽以此誨人不露圭角而外內斬斬若先生者洵無負於窮經矣今先  
生往矣讀其書猶想見其爲人而竊歎窮經之自有真也 釋耒集四

道光樂清縣志入徐炯文自號翔雲山人穎悟好學弱冠撰詩義一編  
理解出人意表繼撰易書孝經經義春秋韻語等書探討理窟涵演貫  
通

案翔雲徐歲貢炯文乾隆溫州府志道光樂清縣志文苑傳並有傳

葉氏浩五經解嘉慶瑞安縣志九

未見

嘉慶瑞安縣志七乾隆丙辰歲貢葉浩品行端方博通經史

溫州經籍志卷五終

章見伊校

溫州經籍志卷六

瑞安 孫詒讓 編

經部

四書類

宋

沈氏

大廉

論語說

經義考二百十八

佚

經義考二百十八

直齋書錄解題三五峯論語指南一卷監南嶽廟胡宏仁仲撰詳論黃祖舜沈大廉之說

案沈提刑大廉萬厯溫州府志宦業傳雍正浙江通志嘉慶瑞安縣志名臣傳並有傳其所著論語說今無傳本惟胡宏五峯集五埵錄論語指南一卷其篇目下注云證黃祖舜繼道沈大

廉元簡之說書中引沈氏說凡二十一條其十條並論黃說之優劣則沈書內當亦采黃說矣五峯集世無梓本流傳頗渺今錄所引沈說于此以傳元簡學術之略其五峯評語文繁不及載也 論語指南父在觀其志章黃氏曰有父兄在如之何其聞斯行之觀人子之志可也父歿之後其志可以施爲則觀其所行如何耳君子不忍其親三年之間孝子唯恐不及于父所行之道或當或否將有所不暇議忍改之乎沈氏曰昔居先君之喪於哀苦中而得此說甚以爲合于人情也禮之用和爲貴章沈氏曰禮固貴和小大由之則過於和矣不復以禮節之則不可行知和而和不以禮節之亦不可行者申上言也人而不仁如禮何章沈氏曰不仁者私意橫生何有于禮樂禘自既灌而往者吾不欲觀之矣至吾不與祭如不祭二章黃氏曰魯躋

僖公亂昭穆也既灌之後所以降神故不欲觀之或者不喻而窮其說孔子爲魯諱故託以不知而指其掌其意若曰明乎上下之分治天下無難矣夫祭以誠爲主今從逆祀而失昭穆之義于誠何有是祭與不祭等矣此孔子之所不與若吾與點也之與同沈氏曰逆祀之說極好指其掌上詞已斷矣下所言以類記之者也不必比而同之與字一說恐未安也射不主皮章黃氏曰古者射有五善不特主皮兼取禮樂容節也古者力役之事分而爲二欲其可法矣後世徒以中皮爲善強弱無別同爲一科故夫子言古之道以明今之不然沈氏曰嘗見趙岐有是說而然之當無以易也唯仁者能好人能惡人章沈氏曰弟子之善記事如此上言仁者好惡矣然言能惡人則或者疑焉于是復明仁者之心曰本無所惡也人之過也各於其黨章沈

氏曰伊尹周公皆是過乃所以爲仁參乎吾道一以貫之章黃氏曰夫子垂世立教學者宗之或得其一體或聞其一言有稱其博學者有譽其多能者皆不能徧觀而熟察之乃若聖人之道則聞而知之傳以心也默而識之悟以心也況其泛應于域中雖千變萬化未始有窮而會歸于一心則天地之純全萬人之大體皆其分內耳所謂一以貫之也曾子蚤遊聖門省身于內守之以約故夫子告之不待發問而曾子受之不復致疑可謂相契以心得于言意之外矣及其答門人之問語之以忠恕者亦以其達道不遠者告之使之求諸心而切于踐履者也蓋忠之爲心無纖介之私其毋自欺亦不欺人也恕之爲心無物我之閒其處人亦如其在己也忠恕生于吾心則彼已不立孰爲町畦將盡己之性以盡物之性而至於參天地其於一貫之



妙舉積此矣曾子至是蓋不容言而門人之問不得已而應之  
于是形容夫子之道非忠恕兩言無以明之使門人而悟曾子  
之言則一之名亦不立矣是道也曾子之傳于聖人門人之受  
于曾子又未可以淺淡論沈氏曰此論亦鄙見所同曾子所以  
告之門人者則是一轉語也宰予晝寢章黃氏曰記曰晝居于  
內問其疾可也君子非有疾不居內今宰予好內而懷安無其  
質矣教何所施故孔子淡責之沈氏曰好內之說竊以爲不然  
宰予固不至是聖人亦不察人之微至是也但晝而多寢昏惰  
無精進故夫子淡責之晏平仲善與人交章黃氏曰晏子相齊  
景公執國政孔子久于齊而不能用徒以交際爲恭非王公之  
尊賢也于此猶善其能全交者可見夫子之忠恕沈氏曰此恐  
只是不沒其寔非有爲而言也季文子三思而後行章沈氏曰

鄉人林德惠嘗云時人稱季文子三思而後行夫子以爲不然曰如能再思可矣何望其三乎如三家之強文子殆未之思也子謂仲弓章黃氏曰此論仲弓之德不用于天子必用于諸侯如牛之駢且角雖不用於郊山川亦不舍之矣鯀殛而禹興不以其類廢之也沈氏曰先儒謂指仲弓父之言非也斥父稱子豈聖人之意人之才德不係于世類才者雖不大用必小用故以郊與山川言之亦非謂天子諸侯也曾子曰以能問於不能章黃氏曰學道未至于無心非善學也自問不能至實若虛無矜伐之心也犯而不校無物我之心也此顏子克己之學沈氏曰矜伐之心由物我之心生也自好問若虛以至不校皆是無物我之事不必分也子見齊衰者冠衣裳者至顏淵喟然歎曰二章黃氏曰哀敬之道常存于心故見之者誠有觸于中其作

也其趨也有不期而然矣蓋夫子平日踐履之道所謂無行而不與二三子者是也眾人憊不知覺顏子于此獨有省焉所以喟然發歎也蓋嘗論聖人之道大包六合而小不外乎身遠貫萬古而近不離乎日用若窮高極眇而求之于渺茫恍惚其去道益遠矣顏子既發歎而悟昔日之非于是吐其胷中所見言之若曰人之所以不見道者以才爲之累也向也從事于堅高前後之際矜吾聰明任吾智力卒之惘然無得若有遐志矣而夫子誘而教之于博學之間則又欲罷而不能至是才無所施聰明智力盡矣恍然有若見其卓然獨存者不可以它求也雖欲從之又烏得而存之反之吾身而已然後知吾之心卽聖人之心也聖人所謂哀敬之道亦吾所體之道也平居日用之間吾與聖人豈有二哉所以四科之列同爲之冠聖人之門獨以

好學許之也沈氏曰此論淡見顏子學問之道嘗見一鄉人髣髴此說謂鑽仰前後之初求有所見及夫子誘之于博約之後不能自己竭力而進乃有所見雖欲從之末由也已終不可及不若此論去聰明智力而有所得之爲妙也但上文見齊衰者恐意不相蒙也鄉人讎章黃氏曰禮鄉人裼子朝服而立於阼階存室神也讎卽裼也沈氏曰龜山謂誠意于除厲此論自佳先儒謂存室恐非也子貢問曰鄉人皆好之章沈氏曰好惡而唯鄉人是從未必當也要當公吾心而察焉其善惡者自有見焉可也孟子言國人皆曰賢然後察之見賢焉然後用之得此也此句疑有奪字君子義以爲質章沈氏曰此非爲學者言爲立政事言也以義度宜事之始也行之則有節文焉又出之以孫民聽不駭戾守之以信又久有所成也若夫爲學者則敬以直內乃

其本也當仁不讓于師章沈氏曰此言爲仁之急如此在當爲之時師亦不讓非真不讓也生而知之者上也章黃氏曰生知出于天資如由仁義行是也故爲上學而知則思而後得如行仁義是也故次之沈氏曰行仁義非學也仁義在我而已而曰行之是人與道二也執柯以伐柯疑于同矣而猶以爲遠者二物故也道也者不可須臾離也可離非道也故知行仁義非學也生而知之誠也學而知之誠之也周公謂魯公曰章沈氏曰周公不施其親不私于親也子游曰子夏之門人小子章沈氏曰理一而已本末先後貫爲爲下有奪字如草木一區之內種子根莖華實具在其中人未之見也下學上達亦在識之而已

陳氏

一

論語注

張九成橫浦文集十八

佚

萬厯溫州府志十宋進士紹興壬子張九成榜陳一鸞永嘉人知廣德軍

案陳一鸞舊府縣志無傳橫浦集二陳氏考妣墓誌銘稱其字曰開祖載其官爲左朝散郎通判紹興軍府事又云開祖博極羣書而一意於聖學平居晬然遇事輒斷不屈以勢而周必大平園續藁入亦言其嘗爲豫章倅其著述則府縣志皆未載惟橫浦集十八與陳開祖書云前此拜書欲求所注論語及韓柳釋音未蒙見教云云知其有此二書然宋以來書目並未著錄則其佚久矣

何氏逢源論語集解

十卷經義考二百十六

佚經義考二百十六

王十朋何提刑墓誌銘公長於理學尤精論語覃思二十年每見學者必與講論有集解一十卷簡嚴明白超詣處諸儒所不到且自序其書曰古之學者爲己今之學者爲人爲己則能爲人爲人則兩失之矣凡平日臨政遇物一以所得於書者從事蓋非苟知之也

梅溪集二十九

案何氏論語集解最爲梅溪所推今傳本久佚惟蔡氏節論語集說尙引數條今錄出之以見其槩富與貴是人之所欲章曰

無終食違仁造次必於是顛沛必於是此極言仁之不可離也

集說臧文仲居蔡章曰奉一物如此其識陋矣

集說

逸民章曰

降志辱身與隱居放言固非聖人所甚取至若夷齊其節高矣

然使後之人一於高明則亦不可以爲萬世法而無弊者其

惟聖人之時乎

集說

子夏之門人章曰子夏之言是初學擇交

者也子張之言是學已成而泛交者也

集說

皆梅溪所謂簡嚴

明白者惜所引不多也

王氏

十册

論語解

續文獻通考一百七十五

佚

案汪玉山作梅谿墓誌云有論語講義指授學者未成書

詳卷二尚

書解

此論語解疑亦前人輯講義遺藁爲之

諸葛氏

說

論語說

經義考二百十八

雍正浙江通志二百四十二作良

佚

經義考二百十八

薛氏

季宣

論語少學

水心文集二十九宋史藝文志一國史經籍志二並作小學誤今從良齋讀語集三十經義考二百十八

二卷

宋史藝文志一國史經籍志二經義考二百十八

佚

經義考二百十八

自序推步占天未足與言天道之至縉絲測海未足與窺溟海之深膚見謏聞以求聖人之言我知其無以議爲也然則聖人之道其終不可



學邪曰無句求之則得不求則不得也自明其德道積於厥躬誠以思之審以通之間學以參之神而明之天之高地之厚鬼神之盛遂古方來之遠將無所藏其用聖人之道其無以外此夫魯侯得之喬梓而周公識其見賢曾蒧鼓瑟詠雩而仲尼與之言志聖人之學果可以意知而事得乎走於論語之書願學焉而終身者也謂其旁通倫類細淪幽眇就之而不見挹之而愈深雖一本諸人情曾非力行可到嘗朝而誦暮而思忘寢食而求但見其源源而泉混混而淵灝灝而天進乎前無以從而後取諸右無以逢其左泯泯默默而未得以臻其極也卷之有以自樂行之足以迨時走於夫子之言知其一而不知其二矣強筆少學識之於書庶乎它日見之有以知其不足戾之斯改得之斯尚天未喪道或將可質諸聖人之門也曰以此明孔子之言則庸敢不知量

良齋浪  
語集三十

葉適題後一人之身眾人之身也一身之家天下之家也一士之學萬世其由之學也不以其身麗眾人之身必自成其身其身成而能合乎眾人之身矣若夫私其身者非也不以其家累天下之家必自治其家其家治而能合乎天下之家矣若夫私其家者非也不以其學誘萬世其由之學必自善其學其學善而能合乎萬世其由之學矣若夫私其學者非也師雖有傳說雖有本然而學者必自善其善則聰明有開也義理有辨也德行有新也推之乎萬世所其由不異矣謂必用一說一本者以學爲誘者也不一說不一本而不至乎其所以學者以學爲私者也常州先生薛氏箸論語小學教授畱君刻於學官某謹書其後心

文集二十九

論語直解

經義考二百十八 萬厯溫州府志十七作約說  
續文獻通考一百七十五有約說無少學直解

佚

經義考二百十八

自序巧匠不世生

經義考二百十八作出

其法具乎規矩繩墨聖人不世作其言

在乎禮易詩書然則禮易詩書

經義考作與

夫規矩繩墨往之所以貽後

今之所以求古也卽規矩繩墨以爲員方雖非巧匠而巧匠之制作於

此乎在由禮易詩書以趣

經義考作趨

禮義雖非聖人而聖人之精誠備於

吾身學者爲道而舍經猶工人而去其規墨也雖有工垂之指其能制

器乎孔子聖之至也顯乎其渾邈乎其宏其靜也《其動也乾道貫古

今而體之以虛神偕造化而終之以愚望之平平卽之峩峩寂如其若

以

經義考作念

歸如其若存挹而愈沖撓而愈清觀其行則不過乎物察其

言則適當人心無色無形旣高且明無壅無隍肅肅茫茫止止而安安

者歟盡性而參天者歟贊焉以辭猶日而裊螢鑿之窾元

經義考作死別本作光並

非均無事焉適以其所存而已自伏羲至於

經義考作以至

文公其時亨其政

行其言事具乎禮易詩書曰闇而弗明得孔子而彌章非聖人無以知

聖人固莫知其孰賢傳是道以貽將來斯其爲集大成孔氏有春秋孝  
經通禮易詩書曰經其弟子門人又襍記其難疑答問之言別爲論語  
一書參乎六經之間六經固妙且玄必論語而後行論語之於六經其  
道學之中和大易之乾坤乎元龜無窮指南諸儒性命仁義之淵源諸  
子百家之蹊途覆載而叢薄之宜莫此其究且詳也傳記稱孔子之言  
眾矣率多踳駁疑乎不真經義考及明鈔本並作不疑乎貞今依別本正其周而曲當觸而咸  
獲純而靡類約而兼該者宜莫芹夫經義考作乎論語之書後之學孔子者  
將折中夫六經之奧返求其性命之正者舍論語其何稽乎先儒之傳  
此書行乎今者多矣如川瀆之容流各極其量而莫不有合焉其於滄  
溟也不亦微哉走誠庸愚學而未能有得願法孔子其素心也研窮此  
書久矣訖未知其趨嚮自求諸己以求合於前言譬諸蟻之緣蒿烏之  
沖霄不至必也亦惟其力之行經義考作行之又何憚夫穹崇也敢自信其所

自知筆而釋其句讀名直解示無曲說者焉不事辭文貴全旨要分章無取爲其失於本真匪敢言傳述逝將終身於此庶幾明德之見有補不逮云

良齋浪語集三十

經義考二百十八論語直解王瓚溫州府志作約說

中庸解

經義考一百五十二解作說今從良齋浪語集二十九

一卷

良齋浪語集二十九經義考一百五十二無卷數

存

良齋浪語集本經義考一百五十二注曰佚

案良齋中庸解一卷見薛師旦所編浪語集世無單行本其說簡當不繁無宋人講義重複猥淺之病其釋素隱行怪曰揜其素行行其僻左以欺世盜名者釋君子之道四且未能一焉曰言行相應則所謂君子之道者且未能一所以能一之也

此蓋訓一

爲合一之意

釋序事所以辨賢也曰序事謂酌獻及饋相執事者與鄭

孔程朱諸儒說並異其視暖暖姝姝守一先生之言者不啻霄壤矣

大學解

經義考一百五十六解作說今從艮齋浪語集二十九

一卷

艮齋浪語集二十九 經義考一百五十六無卷數

存 艮齋浪語集本 經義考一百五十六注曰佚

案大學解一卷亦見浪語集艮齋之學原出伊洛然說大學經文不遵程子改定本其釋在親民爲近人人之所親愛而辟焉諸辟字爲取譬亦並符鄭義蓋在同時諸儒中爲獨守故訓故宋時其書不甚顯衛氏禮記集說於其說采取亦獨少惟釋此之謂自謙爲謙謙讀如字則與舊說並異然亦足備一解也

又案陳文節右奉議郎新權發遣常州薛公行狀止齋文集云五十一有中庸大學說各一卷經義考據以箸錄舊本浪語集載兩書

並作解說解同義無所區別行狀渾言之耳今從集本爲正

宋氏晉之大學講義

一卷 攻媿集一百九

佚

中庸講義

一卷 攻媿集一百九

佚

陳氏傳良論孟古義乾隆溫州府志二十七嘉慶瑞安縣志九並作經書古義今從高儒百川書志二十

一卷 百川書志二十

未見

百川書志二十論孟古義一卷或曰止齋箸又曰王從之箸未詳孰是

案止齋論孟古義行狀墓誌皆不載曹叔遠序止齋集備述所

著亦無是書至明高儒百川書志始載其目而陳獻章白沙集  
七亦復鄧御史公輔寄新刻陳君舉論孟古義詩云兩漢非三  
代人才逐世低市朝成畫虎文字笑醯雞古義昭昭對終篇短  
短題不因歐六一爭得見昌黎是明代又有刻本矣百川書志  
云又曰王從之著王從之爲金王若虛字若虛藁城人金史文藝傳下有傳然  
它書載若虛著述亦無是書又高志錄是書不入經部而入集  
部別集類列永嘉八面鋒後永嘉八面鋒亦不宜入別集明人書目往往疏舛如是亦未  
喻其故豈其書體例近舉業家之經義不似注釋經傳之書乎  
舊府縣志載其目作經書古義不知何據鄧刻本或未佚它日  
得之當再爲攷定也

戴氏

石鼓論語荅問

國史經籍志二續文獻通考一百七十五○四庫全書總目三十五並作問荅

三卷

直齋書錄解題三文獻通考一百八十四宋史藝文志一



存 四庫全書本 經義考二百十八注曰佚

四庫全書總目三十五石鼓論語問答三卷

江蘇巡撫採進本

朱戴溪與溪有

續呂氏家塾讀書記已箸錄是書卷首有寶慶元年許復道序稱淳熙丙午丁未閒溪領石鼓書院山長與湘中諸生集所聞而爲此書朱子嘗一見之以爲近道陳振孫書錄解題所載與序相符其書詮釋義理持論醇正而攷據閒有疏舛如解緇衣羔裘節先加明衣親身次加中衣冬則次加裘裘上加裼衣裼衣之上加朝服其說本於崔靈恩不爲無據然詩羔裘篇孔疏謂玉藻君衣狐白裘錦衣以裼之又云以帛裹布非禮也鄭注云冕服中衣用素朝服中衣用布若皮弁之下卽以錦衣爲裼卽是以帛裹布故知中衣在裼衣之上其文甚明溪蓋未之深攷又解吉月必朝服而朝節謂玉藻天子元端而朝日於東門之外不必依鄭注改端爲冕蓋稱端者通冠冕言之其說亦據樂記端冕而聽

古樂鄭注端爲元衣孔疏端爲元冕凡冕服皆其制正幅故稱端也然  
玉藻天子元端而朝日於東門之外與下文元端而居對舉見異故朝  
日元冕卽不得通稱元端此鄭所以決冕之誤爲端溪亦失攷也然訓  
詁義理說經者向別兩家各有所長未可偏廢溪能研究經意闡發微  
言於學者不爲無補正不必以名物典故相繩矣

朱子語類 戴少望謂顏淵子路死聖人觀之人事鳳鳥不至河不出  
圖聖人察之天理不復夢見周公聖人驗之吾身夫然後知斯道之果  
不可行而天之果無意於斯世也這意思也發得好 戴少望湖南語  
說卻平正

石鼓孟子荅問

三卷 直齋書錄解題三文獻通考一百八十四宋史  
藝文志四國史經籍志二經義考二百三十五

佚

直齋書錄解題三石鼓論語荅問三卷孟子荅問三卷戴溪撰岷隱初仕衡獄祠官領石鼓書院山長所與諸生講說者也其說切近明白故朱晦翁亦稱其近道

錢氏

子文

論語傳贊

二十卷

宋史藝文志一國史經籍志二經義考二百十九

佚

經義考二百十九

中庸集傳

一卷

宋史藝文志一經義考一百五十三

佚

經義考一百五十三

案白石中庸集傳衛氏禮記集說載其數條如釋道之不行也節云行當爲明明當爲行

指道之不

文互差

集說一百二十五

釋強哉

矯云矯猶抑也哉疑辭強哉矯猶言強其矯也君子於中庸知

而行之非矯抑而然也

集說一百二十六

釋素隱行怪云素猶固也固

隱不仕又行奇怪之行

同上

釋君子素其位而行素亦爲固云安

於固然則道無時而不可行

集說一百二十八

釋載華嶽而不重云華

中華也嶽四嶽也謂中華之地四嶽之山也

集說一百三十四

釋無惡

於志云志猶記也雖有人志之君子所不惡

集說一百三十六

並與舊

說違異至於詰塞爲實

國有道不變塞焉句注見集說一百二十六

本鄭注詰撮爲

四主

今夫地一撮土之多句注見集說一百三十四

本說文則義皆精塙矣

### 孟子傳贊

#### 十四卷

宋史藝文志四國史經籍志二經義考二百二十五

佚

袁甫跋余爲兒時先正嚴言朋友遍四方俱善論今古第說論語罕有契心余默識之用力於此書有年矣後始知不說論語乃善讀論語者

今觀王君次點所著補義一編會萃眾說斷以己意最爲詳縝則又欣然曰不說固佳說亦佳說猶不說也噫得斯旨者可以讀論語矣 蒙齋集十五 原題跋王次點論語說

案東巖論語補義經義考及通志府縣志皆不載今據蒙齋集補收其書傳本久佚據袁序所述其體例當與所著周禮訂義相似

蔡氏節論語集說

二十卷 經義考二百十九○千頃堂書目三宋史藝文志補○四庫全書總目三十五並作十卷  
存 通志堂經解刊本

進論語集說表臣節言臣五月十一日具奏乞投進所編論語集說奉聖旨許令投進者伏以求知行之實誠莫切於魯論加講習之功端有裨於聖學喜數年之編集幸一旦之際逢竊惟洙泗垂訓之書莫非帝

王傳道之要存心爲大主敬以勝百邪克己實難爲仁以該衆善能博文而約禮復篤志而近思視明聽聰截然天理人欲之辨直舉枉錯判乎君子小人之分思君位之至艱畏天命之不易欲如北辰之衆其當正南面以篤恭權不至於下移禮樂征伐之自出俗必期於丕變德禮刑政之並行常念四海之困窮用躋羣生於富庶寧菲衣而菲食庶足國以足民放鄭聲遠佞人邦政以立舉逸民繼絕世人心攸歸詳味聖言悉闢后德豈惟一王之成式抑亦百代之宏規茲茲遇皇帝陛下性本生知學由時習洞明一貫之旨深省四勿之幾伏願惟精惟一以執中克勤克儉而無閒體成湯之罪已簡在帝心法帝堯之則天大茲君道臣干冒天威無任激切屏營之至臣所編列論語集說三十卷繕寫成一十冊用黃羅夾複封全謹隨表上進以聞臣節惶懼惶懼頓首頓首謹言  
清祐伍年伍月日朝散郎試太府卿兼樞密副都承旨臣蔡節

上表

晦菴先生嘗語門人曰看集注熟了更看集義方始無疑又曰不看集義終是不浹治永嘉蔡先生集說之作自集義中來本之明道伊川二先生參以晦菴或問而於晦菴南軒先生尤得其骨髓蓋南軒學於五峰先生又與晦菴相講磨故語說多精切是書也說雖博而所會者約文雖約而所該者博大有益於後學遂請刊於湖頒淳祐丙午冬至文學掾姜文龍謹書

論語集說二十卷宋朝散郎試太府卿兼樞密副都承旨永嘉蔡節編淳祐五年表進於朝今作十卷蓋當日刊於湖頒本已然也是書宋甄文志不載諸家藏書目俱未收予乃購得之幸矣永嘉自伊洛諸儒未作王景山發明經蘊述儒志一編其後則有劉安節元承鮑若雨商霖謝天申用休潘旻子文周行己恭叔陳經正貴一暨弟經邦貴敘其姓

名皆入伊洛淵源錄中而著羣經說者若陳鵬飛少南薛季宣士龍張  
涪忠甫葉適正則戴溪肖望陳傅良君舉葉味道知道錢文子文季黃  
仲炎若晦湯建達可陳埴潛室王與之次點皆有成書箬錄諺曰溫居  
瀛壖理學之淵不信然歟顧諸君子之書或存或亡不可盡得予序蔡  
氏集說而附及之蓋將以求所未見焉康熙丙辰夏五納蘭成德容若  
序

通志堂刊本序

千頃堂書目三蔡節論語集說十卷

宋史藝文志補同

涪庫全書總目三十五論語集說十卷

內府藏本

宋蔡節撰節永嘉人始末

未詳惟書首涪祐五年進表結銜稱朝散郎太府卿兼樞密副都承旨  
末有涪祐丙午文學掾姜文龍跋卽進書之次年也其例於全川一家  
者則獨書姓名於參用一兩家者則各注本語之下祇用眾說者則疊  
書姓名於末潤色以己意者則曰本某氏皆謂之曰習或附已說於後



則別曰節謂節自爲說者謂之曰釋其互相發明之說則夾注於下其推闡旁意之說則低一字書之是時朱子之說已行故大旨率從集注

其間偶有異同者如賢賢易色謂賢人之賢爲之改容更貌攻乎異端

謂攻爲攻擊害爲反貽吾道之害案此鄭說知其說者之於天下也謂

知魯之僭禘則名正名正而天下不難治無所取材謂無所取桴材此

鄭元之說不有祝鮀之佞三句謂美色尙不足以免禍惟口才乃可免不圖

爲樂之至於斯也謂韶本揖遜之樂今乃至於齊國案此亦汝五十以

學易謂夫子是時年未五十故云加年互鄉童子一章不作錯簡不至

於穀謂三年不能至於善則所學已難乎有得沒階趨進謂進疑作退

雖疏食菜羹瓜祭謂瓜爲如字以祭字屬下句三嗅而作謂嗅疑作嘆

案此徐積之說冉有退朝謂朝爲從季氏至魯君之朝不恆其德一節謂別爲

一章曰今之成人者何必然謂爲子路之言有馬者借人乘之謂卽史

之闕文齊景公有馬千駟章連上爲一章

案此鄭汝諧錢時二家之說

太師摯適齊

一章謂魯君荒於女樂故樂官散去其中惟太師摯一章可備一說餘皆牽強穿鑿蓋朱子於註易注詩誠不免有所遺議至於論語集注則生平精力具在於斯其說較它家爲確務舉蕝反至於不中理也然出入者不過此數條其餘則皆詮釋簡明詞約理該終非胡炳文等所可及焉

葉適兵部尙書蔡公墓誌銘子節迪功郎浮梁簿

水心文集二十三

案蔡先生節爲文懿公幼學次子水心作文懿公墓誌述其官爲浮梁簿集說進表繫銜則爲朝散郎試太府卿兼樞密副都承旨又嘗知慶元府安吉州竝見浙江通志一百十五其字書傳無所見惟通志堂經解所刊集說卷首封面一葉署宋蔡仲覺先生箸

此據經解初印本乾隆五十年

四庫全書館補刊本無

似節字仲覺然成

德敘則又未言攷節同時建安蔡模字仲覺作論語集疏集說  
集疏書名相近疑通志刊本偶誤題矣集說進表稱二十卷今  
本十卷則付梓時重定據姜跋云刊於湖頻當即在知安吉州  
時浙江通志載節知安吉州不云何年據此知爲清嘉六年也其書體例清整訓釋經義雖  
多遵朱子集注及張氏癸巳論語說然於何氏集解及皇邢兩  
疏亦多徵引永嘉諸儒則於錢白石戴岷隱兩家之說采錄頗  
夥固非徒鈔語錄者也

曹氏

叔達

中庸注疏

乾隆溫州府志二十九

佚

葉氏

味道

大學講義

續文獻通考一百七十五作四書大學講義

一卷

經義考一百五十六

佚

經義考一百五十六

四書說

續文獻通考一百七十五經義考一百五十二

佚 經義考一百五十二注曰未見

案葉文修四書說見宋史本傳雍正浙江通志經籍門引古括

遺芳

明鄭宣撰見四庫全書總目一百九十一

有四書語類龍泉葉賀孫纂賀孫

卽文修原名龍泉則其祖貫似文修四書說外別有是書然本

傳及經義考並未載古括遺芳多謬誤見四庫提要此說恐不足信

今不據補入

徐氏 中庸說

一卷 經義考一百五十二

未見 經義考一百五十二注曰存

宋元學案六十九徐盤州先生寓字居父永嘉人朱子稱其務學求師志尚堅確

案盤州徐先生寓朱子弟子乾隆溫州府志儒林傳附載其名  
作寓黎靖德朱子語類卷首姓氏萬斯同儒林宗派十經叢考  
一百五十二宋元學案六十之竝同晦菴大全集五十八荅徐  
居甫書止齋文集四十徐武叔墓誌云六子冠宏宥容寓定西  
山文集四十五朝請郎通判平江府事包公墓誌銘云盤州交  
徐君寓所狀事實字竝作寓以名字相應之例求之寓寓竝近  
居義不知其孰是也中庸說宋以來書目皆不著錄惟經義考  
注曰存豈曝書亭固有藏本耶晦菴大全集荅徐居甫第二書  
亦論中庸竝附居父問中庸語問君子之道費而隱章荅云鳶  
飛魚躍是子思喫緊爲人處必有事焉而勿正心是孟子喫緊  
爲人處皆是要人就此瞥地便見得箇天理全體若未見得且  
更虛心涵泳不可迫切追求穿鑿注解也問君子之道造端乎

夫婦及其至也察乎天地蓋夫婦則情意密而易於陷溺不於此致謹則私欲行於玩狎之地自欺於人所不知之境人倫大法雖講於師友之前亦未保其不壞於幽隱之處儻知造端之重隱微之際恐懼戒謹則是工夫欲裏面做出以之事父兄處朋友皆易爲力而有功矣荅云本只是說至近處似此推說亦好問天地之大也人猶有所憾恐非謂天能生覆而不能形載地能形載而不能生覆人猶有憾處恐只在於陰陽寒暑之或乖其常吉凶災祥之或失其宜品類之枯敗夭折而不得遂其理此雖天地不能無憾人固不能無憾於此也荅云旣是不可必望其全便是有未足處問兩端謂眾論不同之極致都是就善處說如斷獄一人以爲當死一人以爲當罰今酌其中而行之否荅云然所謂中非如子莫之所執也問鬼神爲德注云體

物是其爲物之體不知此體字是體用之體還復是體質之體  
荅云鬼神者氣之往來也須有此氣方有此物是爲物之體也  
此居父中庸說之僅見者惜不得竹垞所見本以證其異同也

包氏

定

中庸解疑

雍正浙江通志二百四十二

佚

孟子答問

雍正浙江通志二百四十二

佚

案包先生定朱子弟子雍正浙江通志乾隆溫州府志乾隆永

嘉縣志儒林傳並有傳

陳氏

攷

論語發微

經義考二百十九

佚

經義考二百十九

真德秀序學者所習莫先於論語而讀論語者莫先於知仁先儒有是

言矣然嘗思之仁者夫子所罕言當時門人弟子有問仁者有問爲仁者有問人之仁者大約纔十餘章而夫子所自言者亦復無幾學者獨於是焉求之可乎曰不然夫子之所罕言者仁之體而已至若求仁之方爲仁之要則舉凡二十篇之中莫非是也姑以首章言之其論學也若無與乎仁然時習之說以熟乎仁而說也朋來之樂以輔乎仁而樂也至於不知而不愠則庶幾安乎仁矣其他所論有卽身而言者有卽事而言者卽身而言仁之存乎身者也卽事而言仁之達乎事者也不特見於言者爲然凡聖人之動容周旋皆仁之符也仕止久速皆仁之則也學者而有志於仁舍是將奚先哉東嘉陳君孜少而服膺晚益有見箸爲發微一編學者重之或謂此書之指自河南二先生以來闡幽析微亾復餘蘊尙奚君之待邪是不然道之妙無窮而學者於道欲其自得諸老先生之於此書闡明之功可謂至矣然其措意之精深立言



之簡遠有非後學所可遽窺者因其所已發而推其所未發豈非後學之事乎陳君此編大略不外乎河洛之傳而其閒亦有所自得者此其爲可貴也然聖人之言窮而測之益深益遠有志斯道者沒身而後可也陳君其尙懋之哉

西山文集二十九  
經義考二百  
十九按是序又載劉煥雲莊集

案陳攷事蹟舊府縣志無攷

姜氏得平  
論語本旨

一卷  
直齋書錄解題三  
文獻通考一百八十四  
宋史藝文志一國史經籍志二  
經義考一百二十八

佚  
經義考一百二十八

直齋書錄解題三論語本旨一卷建昌軍教授永嘉姜得平撰

案文淵閣書目四有論語本旨一部一冊完全則此書明時尙存今則未見傳本

湯氏建  
論語解  
續文獻通考一百七十五

佚

戴氏

存

四書傳

雍正浙江通志二百四十二

佚

戴氏

侗

四書家說

經義考二百五十二

佚

經義考二百五十二

案戴仲達於易書四書並有家說蓋述其父蒙之遺言而爲之

者

乾隆溫州府志二十七於此書外又載戴蒙四書家說其書乾隆永嘉縣志二十三又別載葉味道四書家說並誤

今並不傳六書故載先說數條其論理仁學三字綜貫古訓宜

究微言非督儒所能道也今錄之以備家說之逸義六書故理

字注先人曰凡物莫不有理玉理最精縝密以栗故理从玉引

而申之幽深蹟隱天理密察無所不通莊周日庖丁解牛依乎

天理批大卻導大竅技經胷綮之未嘗善言天理者也中庸曰

文理密察易曰窮理盡性以至於命密察之謂理通達之謂道  
裁而宜之之謂義七仁字注先人曰因人而二之爲仁孔子曰  
仁者人也人其人之謂仁已古文从人省起古文从心干聲夫  
人有是身則有是心有是心則有是惠有是身而疾痛苛癢之  
弗知者肌肉不仁也有是心而仁義禮知之弗身者其心不仁  
也盡其心踐其形肫肫乎其若赤子之肌仁義禮知切於心猶  
疾痛苛癢之切於身也然後能誠諸身能誠諸身然後能人其  
人能人其人斯謂之仁矣夫心生物也仁生惠也於四皆爲晉  
於四德爲元天地之大德也而人得之以生故人者天地之心  
也天地萬物人之體也親疏遠邇雖有衰序疾痛苛癢無不周  
通也親親而仁民仁民而愛物始於邦家終於四海者仁之充  
也已欲立而立人已欲達而達人能近取譬者仁之方也故曰

仁者人也親親爲大老釋者曰死灰其心槁木其形忘其身遺其親以仁義禮智爲外鑠我以天地萬物爲芻狗幻矣不仁之至也墨者曰愛無差等眎其親猶其鄰之親也不仁莫大焉孟子曰仁人心也之二者皆失其心者也八學字注云先人曰鳥獸之生也游者則狎於水而不溺走者則馳於野而不蹢然終於此而已矣人之生也自赤子不能求其母自是以進皆學焉而後能之無所不學則無所不能也故人子之道學爲大君父之道教爲大古者子生十歲則入小學二十而入大學傳曰子既生不免於水火保傅之罪也羈牖成童不就師傅父母之罪也就師學問無方心志不通身之罪也學之文所以从子也有大人之事有小人之事窮理致知盡己之性以盡人之性盡人之性以盡物之性贊天地之化育與天地參者大人之事也學

大人之事之謂大學朱子曰學者所以明善而復其初也謂學以明善可也謂學以復其初則否夫有失而後有復人生而家其知未啟其明未融在易乾之姤雖有龍德猶曰隱而未見行而未成乾之同人曰學以聚之問以辨之然後德博而化爲龍德之中正焉雖聖人不能無學也夫學也者所以明其明而迪其知猶闢門塗而啟牖鄉也何必曰復乎

九

六書故十三心  
邵惠性情諸字

下仲達自爲說亦並  
精奧文無今不錄

林氏公一 論語類說

五冊 蒙川遺藁四

佚

劉黻故友林道初察推墓誌銘公好讀書經傳子史歷覽精研與意會輒筆之凡有關於修齊平治之大者寤寐不忘年二十一與計偕試南

宮不武益肆其力於學端靜介特得伊洛考亭旨趣最深伸紙論事動數千言大較如行雲流水而畢根諸理有錄覽十二冊論語類說五冊本朝事實十冊稊文詩稊手稊各二十卷 葉川遺稊四

案林學諭公一萬厯溫州府志文學傳雍正浙江通志道光樂

清縣志文苑傳並有傳

穆氏 主一 四書說 乾隆溫州府志二十七

佚

鄭氏 樸翁 四書指要 千頃堂書目三宋史藝文志補並作四書要指萬厯

七十五世善堂藏書目錄上經叢考二百五十三元史藝文志一

二十卷 世善堂藏本目錄上千頃堂書目三宋史藝文志補經叢考

佚 經叢考二百五十三注曰未見

王氏 奕 論語說 雍正浙江通志二百四十二

佚

孟子說

經義考二百三十五

佚

經義考二百三十五

中庸本義

一卷

經義考一百五十三

佚

經義考一百五十三

胡氏

一桂

四書提綱

續文獻通考一百七十五經義考二百五十三

佚

經義考二百五十三

元

吳氏

成夫

四書圖

續文獻通考一百七十五經義考二百五十五元史藝文志一

佚

經義考二百五十五

案吳縣丞成夫萬厯溫州府志文學傳嘉慶瑞安縣志文苑傳

並有傳

經義考二百五十五誤作吳成大元史藝文志一又誤作吳大成

趙氏

次誠

四書考義

雍正浙江通志二百四十二

佚

道光樂清縣志入趙次誠從平陽章仕堯學以明經授徒隱居不仕嘗考據朱集注爲書曰四書考義

案雪溪趙先生次誠萬厯温州府志文學傳道光樂清縣志儒

林傳並有傳

陳氏

剛四書通辨

千頃堂書目三補遼金元藝文志經義考二百五十五元史藝文志一

佚

經義考二百五十五注曰未見

案陳公潛四書通辨明以來久無傳本惟史文璣四書管窺引其說十餘條多論胡雲峯四書通之誤疑專爲辨正胡氏書而作者



史氏伯璿四書管窺

五卷

國史經籍志二千頃堂書目三經義考二百五十五  
元藝文志四庫全書總目三十六元史藝文志一並作八卷

闕

瑞安項氏臧鈔本

經義考二百五十五注曰未見

伯璿幼時廢學歲辛酉春秋二十三始知以書籍自課自以過時之學  
悠緩則莫能有成於是聚經史百氏之書幾二十種雜然而日習之如  
是者一二年竟無所得然後專取四書及書易數經而熟讀焉有餘力  
乃及它書始焉於諸說有同異處未知所適從也既而反覆研究又一  
二年晃然若有所見而未敢自信姑以筆諸各編之首而已元統改元  
遂以四書通纂疏集成輯講四編編首所筆者聚爲一帙又其後四年  
再得發明攷證叢說三編觀之輒又以三編所見共爲一帙維時同志  
勉其合之二帙而一之者名以管窺則後至元丙子所序是也自是以  
來精力日以耗目力日以昏自揆不能復有所發揮於此矣辛巳秋又

聞新安倪士毅合通旨與發明二編以爲輯釋意其去取必精當剖釋必詳明則愚所述管窺可以覆諸瓿矣又三年始得見之則其於二編差謬之小者雖亦刪潤一二其節目之大者往往一如其舊無所可否於是復取丙子所合之帙而增損之且以輯釋之不當存者附焉便遺忘也愚自溫理是書逮今垂三十年所見編帙不下十數家而皆無以大相過也如此今又聞北方顏氏四書通者出猶未知去取之當否果何如也噫世代愈久編帙愈繁然能有所別白者絕少而紊之者閒又出於其閒吾不知孔曾思孟之言集注章句之旨果何時而盡明於天地之閒也至正丙戌孟夏朔旦後學史伯璿謹志

縣志十六所載奪誤甚多兼有改竄今不備校

陳高序聖賢之言夫豈徒言而已哉道所存也故凡求道者不可不得於其言不得其言而欲以明道譬之適國而不由其途未有能至焉者

矣然聖賢之於言也或近而旨遠或約而義微大而無乎不周細而無乎不貫載諸方冊宏深簡奧而其理實具於吾心學者不可以易而觀之亦不可以僻而求之也夫以易而觀則幽莽而疏畧以僻而求則穿鑿而牽附若是則日誦其言而不達其意其於求道也不亦遠乎孔曾思孟之書載道之言也自朱子爲集注章句釋其義理要其指歸而其說大明於世經義考二百五十五誤下其辭詳以密其趣悠以長天下學士所共尊信至於受業私淑之徒又爲之發其緒餘演繹增廣紛然聞見而層出背而違者亦或有焉文日繁而辨日起岐愈多而道愈幽使讀之者不舍源而尋流則棄同而卽異君子蓋病之也吾鄉鄉先生史君文璣苦求於學篤信堅守朱子之釋經義考作說反覆研究殆三十年遂取諸家纂輯之編而去取焉乖戾者折而闢之隱昧者引而伸之旁通曲暢著於簡牘名曰管窺抑可謂有功於朱子也已嗚呼立異以爲高好奇以爲

尙爲學之大弊也管窺之作蓋爲是歟孟子曰博學而詳說之將以反說約也學者由是以明朱子之說然後自詳而反約以究聖賢之言則其爲道也庶幾矣不繫舟漁集十 鈔本管窺卷端不載

千頃堂書目三史伯璿四書管窺五卷字文璣溫州平陽人元時隱居不仕辨諸說之與朱子相悖者

四庫全書總目三十六四書管窺八卷兩江總督探進本元史伯璿撰伯璿字

文璣溫州平陽人據所作管窺外篇成於至元丁未卽元亡之年計其人當已入明諡謚謹案考管窺外篇序實成於至正庚寅元亡於然始至正丁未時外篇成已十七年矣此蓋偶據誤文也

末不可考矣是編見於祕閣書目者五冊楊士奇東里集則稱有四冊

刻板在永嘉郡學永嘉葉琮知黃州府又刊置府學是明初所行已有二本然刊本皆散佚不傳故朱彝尊經義考注曰未見此本乃毛晉汲古閣舊鈔大學中庸孟子尙全惟論語闕先進以下蓋傳寫有所佚脫

然量其篇頁釐而析之已成八卷經義考乃作五卷或誤以五冊爲五卷歟其書引趙順孫四書纂疏吳真子四書集成胡炳文四書通許謙四書叢說陳櫟四書發明及饒氏張氏諸說取其與集注異同者各加論辨於下諸說之自相矛盾者亦爲條列而釐訂之凡三十年而後成於朱子之學頗有所闡發考朱子著述最多辨說亦最夥其間有偶然問答未及審核者有後來考正未及追改者亦有門人各自記錄潤色增減或失其本真者故文集語錄之內異同矛盾不一而足卽四書章句集注與或問亦時有牴牾原書具在可一一覆案也當時門人編次旣不敢有所別擇後來讀朱子書者遂一字一句奉爲經典不復究其傳述之眞僞與年月之先後但執所見一條卽據以詆排眾論紛紜四出而朱子之本旨轉爲尊信者所淆矣夫載寶而朝論南宮者有故越境乃免惜趙盾者原誣述孔子之言者尙不免於舛異況於朱門弟子

斷不及七十二賢又安能據其所傳漫無釐正伯璿此書大旨與劉因四書集義精要同而因但爲之刊除伯璿更加以別白昔朱子嘗憾孔門弟子留家語作病痛如伯璿者可不謂深得朱子之心歟

經義考二百五十五楊士奇曰四書管窺四冊永嘉史伯璿文璣著蓋出饒氏輯講吳氏集成胡氏陳氏發明金氏攷證許氏叢說倪氏輯釋之後其論諸家之失皆平正確的刻板在永嘉郡學永嘉葉琮知黃州府又刊置府學

東嘉先哲錄十史伯璿精究四書深得朱子之旨時饒氏輯講許氏叢說胡氏通旨陳氏發明與朱子背馳者案下疑有缺字乃著四書管窺以辨明之原注郡志

乾隆平陽縣志十四史伯璿以饒氏輯講許氏叢說胡氏通旨陳氏發明多與朱子背馳乃著四書管窺內編以辨明之陳高爲之序永樂閒

采入大全

案屬巖史先生伯璿雍正浙江通志儒林傳萬厯溫州府志乾隆平陽縣志理學傳並有傳四書管窺明刊本流傳絕少儲臧家所傳鈔本亦多殘缺不完家中父始從邑中項氏段得見舊鈔足本五冊錄副弄之卷首有大意十二條自明箸書之旨以下皆依經繫論撮舉大要不錄全文凡學庸孟子各一冊論語二冊先進以下無缺佚蓋罕觀之祕籍也屬巖講學墨守洛閩此書之作意在辨正朱元閒四書說之異於集注者而駁饒魯輯講胡炳文四書通者爲尤猥蓋雙峯之學本喜與朱子立異雲峯雖亦服膺朱學而不能不爲異說所惑故此編平議獨詳也雖于集注一編校文義于錙銖析語氣于分寸立論不免鉅碎而釋疴起廢不怵于新奇之論猶不失先儒恪遵家法之遺

陳子上序所謂篤信堅守者殆無媿焉

陳氏華祖

大學審明

續文獻通考一百七十五經義考一百五十七

佚

經義考一百五十七

中庸提綱

續文獻通考一百七十五經義考一百五十三

佚

經義考一百五十三

乾隆溫州府志二十陳華祖通尚書於四書尤多發明

案陳檢閱華祖宋京西湖北宣諭副使謙五世孫萬厯溫州府

志文學傳乾隆永嘉縣志文苑傳並有傳

孔氏

士璘

四書講義

雍正浙江通志二百四十二

佚

蘇伯衡故元溫州路同知平州陽事孔公墓誌銘公之曾大父曰景行  
宋從政郎主管禮兵部架閣文字架閣之子曰士璘元永嘉學教諭後



以子貴贈從仕郎曲阜縣尹曲阜之子曰兕以承務郎松江府判官致仕  
蘇平仲集十三

乾隆平陽縣志十三薦舉孔士璘字玉卿延祐閒授永嘉教諭

劉氏清大學要旨

一卷 經義考一百五十八。千頃堂書目二無卷數

佚 經義考一百五十八

案經義考載大學要旨一卷標曰未見又複出劉氏清大學要旨標曰佚蓋所據書偶書旨爲句遂誤兼採之今刪

中庸章句詳說

一卷 國史經籍志二千頃堂書目二經義考一百五十三

案經義考一百五十三載中庸章句詳說一卷標曰未見一百五十四複出劉氏清中庸詳說標曰佚亦誤分爲二書

明

徐氏典祖四書訓解雍正浙江通志一百七十七

佚

朱氏謚四書述義續文獻通考一百七十五經義考二百五十六。千頃堂書目三作述解

佚

四書輔注乾隆溫州府志二十七

佚

東嘉先哲錄十朱謚性敏嗜學與人談論皆極性理之奧有四書述義

正蒙述解刻梓郡齋原注並府志

趙氏新四書說約千頃堂書目三經義考二百五十六。續文獻通考一百七十五作約說

佚經義考二百五十六

案趙修撰新萬厯溫州府志宦業傳道光樂清縣志介節傳並

有傳

劉氏觀四書通旨

十二卷 萬縣溫州府志十七

佚

乾隆永嘉縣志二十明辟用劉觀明經本府學訓

案劉觀字朝搢永嘉縣人訓導南金伯子編修現之兄嘗典京

闕文衡

見黃淮介菴集三劉顯修文集序

為楊東里諸人所器

見李象坤刺菴集選錄報國錄

書後其他事跡無可攷

張氏文選

四書訓解

續文獻通考一百七十五經義考二百五十六

佚 經義考二百五十六

葉氏經義考學庸庭訓

二卷

經義考一百六十二。雍正浙江通志二百四十二乾隆溫州府志二十七乾隆永嘉縣志二十三並作一卷千頃堂書目二

溫州府志卷六

天

無卷數

佚 經義考一百六十二注曰未見

案尚志葉先生挺萬厓溫州府志隱逸傳雍正浙江通志乾隆永嘉縣志儒林傳並有傳

方氏 燧 學庸集說

六卷 乾隆平陽縣志十六

佚

案王蒼方山人燧鴻臚卿子深子乾隆平陽縣志文苑傳有傳

朱氏 諫 學庸圖說 千頃堂書目二經義考一百六十二

佚 經義考一百六十二

案蕩南朱知府諫萬厓溫州府志宦業傳雍正浙江通志道光樂清縣志循吏傳並有傳

朱氏

文簡

學庸圖說

經義考一百六十二

佚 經義考一百六十二注曰未見

案朱增城文簡萬厯温州府志宦業傳雍正浙江通志循吏傳

道光樂清縣志儒林傳並有傳

張氏

漢

四書切問

雍正浙江通志二百四十二

佚

乾隆永嘉縣志二十弘治歲貢張漢字廷章博學勵行貢入監以親老

告歸杜門不出學者宗之

項氏

喬

四書臆說

歐東私錄二

佚

自序國家以舉業取士士之既階科第者或以四書經學爲芻狗者多矣不知是學具身心性命之奧所以達之天下國家繼往聖而開太平

者率不外此一日不談卽口生荆棘不茅塞於心者罕矣士之所任者益大則其所資者益切也舍是直俗吏焉耳三洲李先生義壯乃海內名豪予與同憲副楚臬已知其學有淵源而政有根柢矣及予謫遷入閩僉事而先生適長憲議政之暇常與予及石崖周子琬雙華柯子喬鄧西張子謙共談性命之學而出其所著正學編四書邇言詩經備忘則冊以相示矣僭謂正學編猶有未精四書邇言精矣而失之太簡若備忘則精且詳矣聖門所謂可與言詩者也公不以予言爲謬升楚右轄行中途驟升貴州都憲又三東勸予了性命之學而索其平生所得者以相印證予感先生善於誘人而欲成其美也是歲正月三日自省下往攝漳南兵備事日與馬中取四書莊誦一番若有溫故知新之味遂靜夜清晨起而筆之至上杭及初夏而臆說成稿然苦與先生隔遠猶有心所未安者未敢以成書獻也適孟冬初旬先生有便鴻至省

因書此奉復以見予勇於從教之義尚擬捧檄終身永嘉山中繼成詩  
經臆說以附倘忘之末而今未暇也他日具書以呈先生不知先生以  
爲何如耳要之謂了此學者須心體力行之死無貳庶幾斯言無忝而  
可愛以傳也既用以相須矣而遂以爲序

顧東私錄二

蔡氏 瑣四書集講

十卷 雍正浙江通志二百四十二

佚

徐氏

時春

四書王楮葉

乾隆平陽縣志十九

佚

國朝

王氏

祚昌

四書唾餘

四卷

嘉慶瑞安縣志九

温州經籍志

卷六

未見

自序此歲課兩子讀書苦其魯取紫陽氏集注令熟之復爲刪其旨煩而文泥者然每語其要妙不便曉曰是非可以口舌得也余每好讀李卓吾先生評楊復所先生眼兩書謂其旨言外可以思而得之因復爲錄其至者并圖史中語而兼以己意今於言前言後言左言右自參之自度之當忽然有所得也門人炤如氏見而說之書一通志急呼而語之曰此唾餘耳勿泥

珠樹堂集

案王元翼四書唾餘今未見其書據自序蓋因李贊楊起元兩家說擇其至者而以其父遺說及己意補綴之

王氏圖史亦祥昌著述其父兄

言行詳第八卷

炤如氏卽周處士天鏡字

見乾隆溫州府志隱逸傳

珠樹堂集又有

奠門人周肇音

原注名天鐘

文注云肇音手書余四書唾餘屬續之

夕令二弟珍藏以遺其子長漢蓋周氏兄弟並師元翼亦並嗜



此書也

周氏天錫四書翼注華萼樓集

未見

朱氏鴻臚四書詳說

六十卷嘉慶瑞安縣志九

存

四書贅解自序余自順治甲午僦屋邑中西南隅蒔菴竹爲書舍邑內  
外俊秀多從余遊旣而廣闢其室治爲齋者益眾余非他有所優爲可  
以資人之求我者不過欲講明四子經義工所爲應制舉者而已雖然  
未易副也自今距昔歷二十年講說日繁滕之口而筆之書諸弟子互  
相傳寫遂成卷帙題曰四書贅解其義云何蓋自紫陽集章句集注而  
四子之正經明文皇命儒臣纂錄大全而章句集注明制科旣久訓詁

日盛祛其淫于佛老者外若蔡虛齋之蒙引林次崖之存疑張江陵之  
經筵直解陳紫峯之淺說顧麟士之說約參伍錯綜而大全明夫諸訓  
詁由大全而起苟有得於大全諸訓詁贅也大全爲章句集注之書苟  
有得於章句集注大全贅也章句集注體會經文不溢不漏苟於經文  
融會貫通遊神言外契旨象先雖章句集注亦贅也而余之解顧欲兼  
而有之每書一章首用講文倣直解淺說體裁其繁而補其畧繼以句  
解探大全及諸先正之粹存其要而去其迂又繼以餘覽於講文解句  
收所不盡者蒐其遺而求其備一章之下合三爲一亦可離一而三而  
又先總之以字解別錄之爲知新雖欲不名爲贅不可得也夫博學詳  
說所以反約欲徑約而不能則不可不博以詳贅奚辭焉余用是有感  
矣孟子曰得天下英才而教育之三樂也夫孟子亞聖天下士宜以教  
育天下才爲樂余鄉閭人也苟得鄉閭之英俊造就之校其藝成理義

之文反之躬爲實踐之學詎非快事經曰後生可畏又曰堯舜人皆可爲安知今日鄉里士非卽異日天下士乎是故師不必賢於弟子弟子不必不如師他日有驅馳上國聲名頡頏諸先正閒尙其取此書而釐正之多不可損少不可益俾余不蒙贅名余寧無厚望焉昔康熙癸丑陽月之吉書於萊竹南軒

竹園類輯九

霍維騰四書詳說講文序嘗讀大學衍義曰古者聖王設爲學校以教其民由家及國大小有序使其民無不由乎其中而受學焉而其所以教之之具則皆因其天賦之秉夷而爲之品節以開道而勸勉之也使其明諸心修諸身行於父子兄弟夫婦朋友之閒而推之達乎君臣上下人民事物之際必無不盡其分焉及其學之旣成則又與其賢且能者置之列位當此之時禮義休明風俗醇厚而公卿大夫列士之選無不得其人焉此先王學校之官所以爲政事之出道德之歸不可一日

廢焉者也今我

聖天子在上聰明天縱暨及乎此爲之作興文學

以風四方儒教之甚遠邁千古大小臣工亦莫不以崇學校興教化爲  
殷最而司鐸者亦孜孜以啟迪多士爲急務然能以實學行實政將聖  
賢所著之奧理發明而誘迪之使其明諸心脩諸身行於父子夫婦兄  
弟朋友達乎君臣上下人民事物而無不盡其分者則罕觀其人茲於  
宣邑之司訓朱子表民者能有是舉誠令人嘆美而不已也表民籍本  
羅陽協秉宣鐸道宗鄒魯之真學紹紫陽之派恂恂卓犖士皆景式詎  
其甫半載而卽引疾辭任忽一日出宣庠遺鐸一編示予曰論孟皆成  
書而首梓學庸授宣子三玩其帙理明而詞簡意透而言精其於民德  
新民之綱修齊治平之目性道脩教戒慎恐懼動變而至於能化無息  
而至於悠遠靡不章章條縷詮解至當人能身體力行則行於父子兄  
弟夫婦朋友而有餘達乎君臣上下人民事物而亦無不足予因掩卷

而歎曰朱君不欲仕猶仕也左氏云太上立德其次立功今觀此書三立具備矣又安在乎區區形迹爲哉可以鼓表民從容中禮溫厚和平其德已立闡明與旨啟發後人其言已立傳人隱居可以善身達可以善天下其功已立又安在乎區區形迹爲哉予不覺欣然而樂爲之序

四書精要字解

乾隆溫州府志二十七作四書解字誤

佚

宋鴻序自制科來詮四子書者無慮百家能與大全先儒頡頏者蒙引存疑而外指不多屈雖云訓詁之學蓋亦莫不難矣哉予視衆安固晤表民朱氏經學懋焉其門人爲之梓太極圖淺說予竊意其篋笥必未罄也一日出四書詳說語予曰此吾不得於時之所爲也吾資有限而詮又滯隱居教授歷多年所日騰口說故就此未遇其人而就正焉敢

以請予翻閱數四嘆其精詳淵博無所不創有講文陳紫峯淺說不專美矣有句解確切精深益莫之匹且併章句集注而通解之又有餘覽採大全蒙存之粹而閒斷以己意又有溫知錄謂溫故知新發前人所未發而其卷端又先有字解二十餘章合爲一書分之可作數種誠哉其詳說也不詳未可以約也予簿書鞅掌猶不忘經生家業思爲梓之倉猝未能因先取字解公世以俟思全豹者求焉表民自道曰訓蒙子曰精要無易此矣遂更題爲四書精要字解云

嘉慶瑞安縣志九四書詳說六十卷 國朝朱鴻瞻撰有字解句解講文知新餘覽等目已梓者字解學庸講文

周廷辛宣平司訓默齋朱公墓誌銘先生究心關閩濂洛之奧以昌明道學爲己任生平所著有太極圖淺說通書淺說四書詳說四書字解四書溫知錄讀史逸評竹園文集譜年詩集俱梓行於世

案默菴朱訓導鴻瞻乾隆溫州府志嘉慶瑞安縣志文苑傳並有傳其所著四書詳說初名贅解後更名詳說聞手藁尙存其裔孫副貢鼎家余未之見也據贅解自敘及詳說朱敘全書有講文句解餘覽知新錄

宋敘作溫知錄與自敘異嘉慶瑞安縣志經籍門亦作知新

字解諸

目宋氏取其字解先刊行世而別題爲四書精要字解默菴爲宣平訓導時又自刊學庸講文乾隆溫州府志經籍門載朱鴻瞻學庸講義卽是書而誤文爲義也今据副貢錄示舊序及墓誌箸錄字解既有單行刻本遂並載之其講文句解餘覽等帙既彙入全書不復分箸其目也

胡氏

璜

四書彙纂

乾隆溫州府志二十七

未見

東甌詩存三十八胡璜字玉書瑞安人康熙歲貢箸有此齋詩稿

林氏達四書說

五卷 乾隆溫州府志二十七

未見

乾隆溫州府志二十七四書說五卷瑞安林達著字襄雲

葉氏浩四書說 嘉慶瑞安縣志九

未見

林氏宗瑛學庸會意

二卷 道光樂清縣志八

未見

道光樂清縣志八林宗瑛號梅菴居芙蓉淹貫經史纂述甚富皆燬於火僅存學庸會意二卷終歲貢

林氏號論語額書匯參



卷 存

溫州經籍志卷六終

卷六

吳興沈維伯校

重